

本草彙言

本草彙言卷之十五

錢塘

倪朱謨純字甫選集

男倪洙龍冲之氏藏稿

張世臣相如甫校正

菓部

菓類

杏仁味甘苦氣溫性利有小毒氣薄味厚濁而沉墜降也陰也入手太陰經

李氏曰諸杏葉皆圓而端有尖二三月開淡紅色花妖  
燒艶麗比桃花尤可愛也故騷人詠物與梅並言則曰  
梅杏蓋取其葉之似也與桃並言則曰桃杏蓋取其花  
之近也有葉多者黃花者千瓣者單瓣者結實實其而  
洩曰沙杏黃而酢曰梅杏青而黃曰柰杏金杏大如梨  
黃如橘西京雜記載蓬萊杏花五色又按王楙農書云  
北方有肉杏赤大而扁曰金剛拳有曰杏熟時色青白  
入藥宜山杏較取仁用修治以沸湯浸去皮尖用○凡  
杏桃梅諸花皆五出若六  
出必雙仁有毒不可食

○杏仁溫肺順氣潤燥化痰之藥也張氏曰杏爲心果仁爲肺之用藥也氣溫而潤散寒結壅閉成疾蓋肺主氣若肺氣不利而欬逆喘急肺受風寒而咳嗽有痰肺氣鬱逆而大腸燥結是皆氣滯於肺之證也用此有理氣順肺開結潤燥之功焉然其苦而溫又善能解肌開達腠理故仲景麻黃湯用之亦取其通皮毛有發散之効也繆氏曰此藥性溫散肺經風寒滯氣殊効第陰虛咳嗽肺家有虛熱熱痰者忌之

○前賢東垣老人曰杏仁下喘治氣桃仁療狂治血杏仁桃仁俱治大腸燥結如晝則便難氣病也宜杏仁陳皮夜則便難血病也宜桃仁陳皮肺與大腸爲表裏竇門

主往來。鬼門主收閉。俱爲氣之通道。故並用陳皮佐之耳。又左慈杏金丹。用杏仁水浸去皮晒乾。每日五更細嚼七粒。能潤藏府。去塵渣。驅風明目。治肝腎風燥。夫杏仁性熱降氣。亦非久服之藥。此特咀嚼得法。吞納津液以消積穢耳。

○集方治肺氣不利。

力麻正宗

或受風寒。或有痰滯鬱逆不通。以致

咳嗽喘急。用杏仁湯泡去皮一兩。桑皮一兩。陳皮五錢。

甘草二錢五分。分作五劑。每劑加生薑一片煎服。○治

冬月傷寒。太陽經分頭痛。發熱身疼。腰痛。骨節疼痛。惡

風無汗而喘者。宜麻黃湯。用杏仁三十粒。去皮。麻黃一

兩。去節。桂枝八錢。甘草三錢。以水三升。先煮麻黃減半。

去浮沫。納諸藥。煮取半升。溫和服。覆臥取汗。○治久病  
大腸燥結。不利。用杏仁八兩。桃仁六兩。俱用湯泡去皮。  
葶仁十兩。去殼淨。三味總搗如泥。川貝母八兩。陳膽星  
四兩。經三製者。同貝母研極細。拌入杏桃葶三仁內。神  
麴四兩。研末。打糊爲丸。梧子大。每早服三錢。淡薑湯下。  
○續補集方。治風虛頭痛如破。用杏仁八兩。去皮研末。水  
一斗。研濾汁。煎如腐狀。取和粥食。食完數日後。大汗出。  
諸風漸減。永不再發。慎風冷。猪雞魚麴。及一切發氣食  
物。○治目上生翳。併努肉。或癢或痛。漸覆瞳人。用杏仁  
二錢。去皮。真鉛粉五分。研勻。用水調稠。不時點之。

巴旦杏仁。詳載食物本草。

桃仁味苦微甘氣溫無毒氣薄味厚沉而降陰中之陽入手足厥陰經血分

李氏曰桃品甚多華艷稱最不培而蕃且早結實世遂以凡品目之然有黃色者絳色者番絲者龍麟者餅子者牡丹者亦凡中之異卉矣若漢上林苑之桃紫氣非金城桃霜桃并山巨核桃凌霜花灼後暑實黃是又仙凡迥別不可得也又桃譜云其花有紅紫黃白千葉單葉之殊其實有紅桃碧桃油桃白桃烏桃金桃銀桃胭脂桃皆以色名者也有五月早桃十月冬桃霜桃皆以皆以形名者也有五月早桃十月冬桃霜桃皆以時名者也又汁中有油桃小於栗桃光如塗油太原有金桃色波黃洛中有崑崙桃肉紅紫色又有餅子桃狀如香餅子其味皆甘並可供食川甞山中毛桃即爾雅所謂桃桃者小而多毛其仁充滿多脂可入藥用修治以滾湯泡去皮晒乾用

○桃仁行血活血之藥也李氏曰桃性早花易植而子繁長於發生善行善逐其仁多油而直行血分故前古主

瘀血血閉。血結血聚。積滯不行。或產婦惡露留難。心腹  
脹痛。或跌撲傷損。心腹瘀滯。或傷寒太陽隨經瘀熱在  
裏。血蓄成狂。或風暑不調。飲食停結。寒熱爲瘧。或婦人  
經行未盡。偶感寒熱邪氣。熱入血室。譫語見鬼。皆從足  
厥陰肝經受病。肝爲藏血之藏。此藥苦能泄滯。血辛能  
散結。血甘溫能通行。一身血絡。凡一切血敗。血阻。爲病。  
專主之也。又桃爲金木之精。故又能鎮辟不祥。祛除邪  
魅。惡氣。繆氏曰。此劑性善破血。凡血結。血秘。血瘀。血燥。  
閉血。畜血。血痛。血癢等證。用此立通。第散而不收。利而  
無補。如過用之。及用之不得其當。能使血行不止。損壞  
真陰。爲害非細。故凡經閉不通。由於血枯。而不由於血

滯者。產後腹痛。出於血虛。而不由於留血結塊者。大便秘不通。由於津液不足。而不由於血燥血閉結者。並忌用之。

○盧子由先生曰。世但知主留者行。不知主行者留。非留行。安能好色有子。非行留。安能去瘀逐閉。然則色之不好。子之無有。亦卽瘀閉之爲咎乎。○又云。欲盡物性。先察物情。如杏爲心果。心主脉。杏有脉絡。專精於脉矣。桃爲肺果。肺主毛。桃有膚毛。專精於毛矣。顧精之所專。卽情之所鍾。情之所鍾。卽性之所生。人苦不知性耳。

○沈孔庭先生曰。杏爲心果。而又主肺氣之欬逆。是心藥而主肺用也。桃爲肺果。而又主血脉之瘀閉。是氣藥而



主血用也。宋人龐安常嘗以二藥相兼用，有理也。

○集方治產後惡露留難，心腹脹痛，或嘔逆發熱者，用桃

仁二錢，搗如泥，當歸、乾薑、川芎、玄胡索楊氏保命集醋炒，各一錢五

分。麻黃、細辛各一錢，水煎服。○治跌撲傷損，心腹瘀滯

用桃仁二錢，搗如泥，當歸尾、紅花、蘇木、大黃各一錢五

分，白附子一錢，水煎服。○治傷寒太陽隨經瘀熱在裏

血畜成狂，以抵當湯用桃核仁去皮三十個，水蛭炒蜚

蛭去翅足炒，各二十個，大黃一兩，酒洗，水二升，煮取一

升，去渣溫服。○治太陽外邪已解，熱結膀胱，其人如狂

血自下，下者愈。以桃仁承氣湯用桃核仁十四個，搗如

泥，桂枝、芒硝各五錢，甘草三錢，大黃六錢，水二升，煮取

一升去渣熱服得利下止後服。○治風暑不調飲食停結寒熱如瘧日久不愈內有畜血以桃木湯用桃仁三錢搗如泥柴胡半夏檳榔鼈甲乾薑各二錢白朮四錢水煎服。○治婦人經行未盡或經將行而偶感寒熱邪氣熱入血室謠語見鬼以柴胡湯用桃仁五錢搗如泥柴胡三錢半夏黃芩各二錢牡丹皮紅花當歸各一錢八分水煎服。

續補集方治偏風不遂及癖疾因瘀血者用桃核仁千

外臺秘要

七百枚去皮尖及雙仁以好酒一斗五升浸二十一日取出曬乾杵細神麴打糊作丸梧子大每服五十九以原酒吞下。○治瘧疾寒熱用桃核仁百枚湯泡去皮研

如泥入黃丹三錢米糊和丸如龍眼核大每服一丸白

湯送下○治無病<sub>主私方</sub>人骨蒸夜熱用桃核仁三十枚去皮

及雙仁杵爲膏平旦白湯調頓服之間日一服半月愈

○治尸<sub>尸後方</sub>疰鬼疰乃五尸之一其病變動有數十種大畧

使人寒熱淋瀝沉沉默默不知所苦累年積月漸至於

死死後復傳他人急以桃核仁五十枚連皮研如泥煮

水一升取五合服之取吐如吐不盡三四日後再服○

治傳尸<sub>尸前</sub>鬼疰瘰癧咳嗽血氣不通日漸消瘦用桃核仁

一百粒連皮研如泥煮水二升取一升去渣入白米三

合煮粥飲之○治人多魘寐用桃核仁二十一個去皮

研如泥以白湯調服○治卒然心胃痛用桃核仁七個

去皮研爛。白湯調服。○治風蟲牙痛。用桃核仁。鍼刺燈

上燒烟出。吹滅。乘熱安痛牙齒上。咬定。不過五六次愈。

○桃毛。味辛。氣平。無毒。入手足厥陰經。此係毛桃實上毛也。

桃毛。破婦人血閉。血瘕。積聚。寒熱之藥也。

○桃梟。味苦。氣平。有小毒。入手足厥陰經。此係桃實。在樹乾枯。經久不落。

桃梟。破婦人血閉。血瘕。心腹血痛之藥也。

○桃葉。味苦。氣平。無毒。

桃葉。破婦人血閉。血瘕。定小兒客忤。寒熱。驚邪。鬼氣。去

風殺蟲之藥也。

○桃膠。味苦。氣平。無毒。桃樹茂盛時。以刀割開樹皮。以火

桃膠。破婦人血閉。血瘕。產後下痢。赤白。療男子石淋。弱

滋之藥也。

○桃花味苦氣平無毒。入手少陰足厥陰經。

桃花破婦人血閉血瘦血風癩狂之藥也。李時珍曰按蘇氏云一婦因喪夫悲哀後遂發狂奔走閉之室中夜破窻櫺登桃樹上食桃花幾盡及旦遂愈此亦屬驚怒傷肝痰夾瘀血遂致發狂偶得桃花利痰飲散滯血之力與張仲景治熱譫以致畜血發狂用桃仁承氣湯之意相同。

大棗味甘氣溫無毒氣味俱厚可升可降陽也入手少陰

太陰經

陶氏曰世傳河東衛氏縣大棗特異今青州山者形大而核細多膏甚瓠鬱州玄市者亦佳少不及耳江東臨沂金城棗形大而虛但少膏脂蘇氏曰今近北州郡皆山棗惟青州者特佳木心絳赤枝間有刺四月生小葉尖澤五月開花色青白作蘭香氣七八月葉熟南北皆有不及青州肉厚多脂種類甚多如御棗木菱棗味雖美不堪入藥按齊民要術云凡棗全赤時日日晡而收曝則紅皺若半赤收者肉未充滿乾卽色黃味亦不佳也食經作乾棗法須用淨地鋪蕒蒚之類取棗日曝夜露擇去胖爛曝乾收之切而曝乾者爲棗脯煮熟榨出者爲棗膏蒸熟者爲膠棗加以糖蜜拌蒸味更甜搗棗膠曝乾者爲棗油其法取紅軟乾棗入釜以水僅淹至炙百餘沸漉出砂盆研細淨布絞取汁塗磁盤上曝乾其形如油以匙刮爲膏收之每以一匙調滾湯一鍾酸甜味如美漿用和麥麴粉蒸食止饑渴益脾胃也盧謀祭法云春祀川棗油卽此

○大棗補中益氣壯心神助脾胃養肝血保肺氣調營衛

生津液之藥也。沈氏曰：此藥得天地冲和之氣，其潤膏凝，善補陰陽氣血津液，脉絡筋俞骨髓。一切虛損無不宜之。如龍潭方治驚悸怔忡，健忘恍惚，志意昏迷，精神不守，或中氣不和，飲食無味，四體懶重，肌肉羸瘦，此屬心脾二藏元神虧損之證，必用大棗治之。如仲景治奔豚，有奔豚湯，水飲脇痛，有十棗湯，傷寒衛受風邪，自汗惡風，有桂枝湯，俱用大棗爲君。益土氣而制水，和營衛而去風邪也。配合生薑主發脾胃升達之氣，佐用陳皮調暢中脘虛滯之痰，雖能補脾益氣，然而味過於甘，如中滿者，齒痛者，痰火者，胃疼氣閉者，小兒熱疳腹大者，虵結腹痛及一切諸蟲爲病者，咸忌之。

○王紹隆先生曰味甘氣溫而性平。中不足者以溫充之。形不足者以甘輔之。後天生氣藉此盈溢於內外矣。

○集方治心神虛怯方脈正氣用大棗三十枚帶核槌碎。遠志酸棗

仁茯神白朮人參各二錢。水四碗煎二碗服。○治脾胃

虛弱用大棗二十枚帶核槌碎。生薑十片。人參白朮茯

苓陳皮半夏各一錢五分。甘草六分。水三碗煎一碗服。

○治肝虛血少用大棗三十枚帶核槌碎。當歸白芍藥

懷熟地各二錢。川芎一錢。枸杞子五錢。麥門冬三錢。石

斛一錢五分。鼈甲二片。湯泡淨。水四碗煎二碗溫和服。

○治肺氣虛耗用大棗二十枚帶核槌碎。人參黃耆麥

門冬各二錢。北五味子五分。○治驚悸怔忡健忘恍惚



志意昏迷精神不守用大棗十枚帶核槌碎人參茯苓  
白朮當歸身遠志肉黃耆酸棗仁炒各二錢五分木香  
甘草各五分龍眼肉七個去殼核水煎服一方加製半  
夏一錢二分○治中氣不和食飲無味四體懶重肌肉  
羸瘦用大棗二十枚帶核槌碎白朮三錢土拌炒當歸  
茯苓半夏各二錢陳皮麥芽穀芽人參白芍藥各一錢  
五分厚朴陳皮各八分水煎服○治小腹奔豚氣上衝  
胸腹痛往來寒熱用大棗十二枚帶核槌碎甘草當歸  
川芎葛根黃芩白芍藥吳茱萸各二錢半夏生薑各五  
錢甘草李根白皮一合共十一味以水二升煮取五合溫  
和服渣再煎○治傷寒表解裏未和心下痞鞭而滿

脇下痛乾嘔短氣用大棗十二枚帶核槌碎芫花炒芫花并  
遂大戟三味各二錢俱搗細以水一升二合先煮大棗  
取八合取出棗入三味末子煮百餘沸強實人全服羸  
弱人半服得快下後宜稀米湯飲之○治太陽病頭痛  
發熱汗出惡風鼻鳴乾嘔者宜桂枝湯用大棗十二枚  
帶核槌碎桂枝白芍藥各一兩甘草二錢五分生薑一  
兩右五味以水三升微火煮至一升徐徐服

○門人羅一經曰方書用大棗入藥者衆今特舉歸脾調  
中奔豚桂枝四湯者引前人立方用大棗明其培土制  
水去風木之意經讀本草神農經云大棗安中和百藥  
則藥藥皆可入用又不獨歸脾等四湯已也

續補集方治小腸氣痛用大棗一枚去核以斑毛一個

納入棗內濕紙包煨熟去斑毛以棗食之以肉桂華澄

茄各二錢煎湯下○治妊千金方娠腹痛用大紅棗十四枚燒

焦爲細末白湯調下○治風沿爛眼用大黑棗二十個

去核明礬末五分和棗肉搗成膏濕紙包火內煨二刻

取出去紙水二碗將棗膏煎湯去渣將湯洗眼○治卒

急心胃痛用大棗二個烏梅一個俱去核杏仁七粒去

皮共搗如泥白湯調服

梨味甘酸氣寒無毒陰也沉也降也。

李氏曰梨樹高二三丈尖葉光膩有細齒二月開白花如雪六月上已日無風則結實必佳故古語云上已有風梨有蠹中秋無月蚌無脂梨核每顆有十餘子種之唯一二子生梨餘皆枯木一與也杜即棠梨也梨品甚多必須棠梨桑樹接過則結子佳梨有青黃紅三色有雪梨錦梨浦梨三種為上品可以治病第一雪梨出蘇州并嘉興其他青皮早穀半觔沙糜諸梨皆難齋不堪止可蒸炙及切烘為脯一種醋梨極酸換水煮熟則甜美可食昔人言梨皆以常山真定山陽鉅野梁國睢陽齊國臨淄鉅鹿弘農京兆鄴都洛陽諸處然好梨多產北土南方惟宣城者為勝凡存梨北人於樹上包裹過冬乃摘尤妙司馬遷史記云淮北榮南河濟之間千株梨其家與千戶侯等也又真定鄆梨大如拳其如蜜脆嫩如鮮菱食之可以解煩釋渴又三秦記云漢武帝上苑舍消梨大如五升器墜地則破須以蠟承取之此又梨之奇品也入藥惟以雪梨錦梨浦梨可用餘色梨則亦不能治病也

○雪梨潤肺涼心消痰降火之藥也開寶方治積熱中風

特珍

不語解傷寒裏熱枯燥煩喘不寧雜證熱結二便不利  
搗汁飲之立驗如中酒病及丹石煙火煤火併一切熱  
藥作患者啖之立解此果中之甘露子藥中之聖醍醐  
也李氏曰別錄著梨止言其害不言其功蓋古人論病  
有法法編新作大都如此多主風寒用藥皆是桂附故爾今人痰病火病十居六  
七梨能潤肺涼心消痰降火大有解熱毒之功滋益於  
人豈淺小哉陶隱居棄之竟不入藥此賢哲之一失也  
東生朱氏曰梨者利也其性下行流利也如產婦金瘡痢疾  
人切不可食食之多致危殆如胃寒腸滑不實者肺冷  
寒痰作嗽者腹中有久病冷積氣塊者小兒痘後患吐  
瀉者法咸忌之

○集方治心肺鬱方熱消渴飲水用雪梨五十枚搗汁慢火

熬成膏以煉白蜜減半收之貯瓶中不時以熱湯調服

十餘茶匙○治內熱方卒中不語以雪梨汁半盞和薑汁

半盞調灌○治火鬱食性本草咳嗽用雪梨生啖一二個卽止又

不可多食○治反胃吐食藥物不下用大雪梨以圓圖

丁香七粒刺入梨內濕紙包四五重火內煨熟去丁香

只食梨○治小兒內熱方痰壅喉間吐不出或因驚熱生

痰或因風熱生痰取雪梨汁時時與之或加牛黃數釐

更妙○治食梨過傷以梨葉煎汁飲卽解

玄霜雪梨膏。治咯血吐血。咳血嗽血。及勞心動火。勞嗽吐痰。久不愈者。此膏生津止渴。化痰止嗽。清血潤燥。用甜雪梨六十個。去心。味酸者勿用。白蘿蔔五斤。百合茅根。嫩藕。鮮生地黃。各二觔。鮮枇杷葉二百片。刷去毛。白菓肉一百個。共八味。俱入石柏內搗爛。取汁。重濾去渣。將清汁入鍋內。慢火煎煉。將稠。十減去七。再入砂鍋。慢火熬。十減去九。入煉過白蜜十二兩。飴糖四兩。再慢熬。如稀糊。則成膏矣。每日不拘。挑數茶匙。米湯調服。

木瓜味酸氣溫無毒氣薄味厚降多於升陽中陰也入足太陰陽明兼入足厥陰經

蘇氏曰木瓜處處有之寇氏曰西洛者其味北酸而美最有功効宣城者亦佳味稍淡耳陶氏曰今山陰蘭亭尤多李氏曰此果可種可接可就亦可枝堅木類之易生者陳氏曰其枝狀如奈花作房生子形似藉縷火乾甚香其材極堅廣志云枝一尺有百餘節葉厚而光春未開花深紅色入夏綴實如小瓜而有鼻乃花肌處如脂蒂也色黃赤皮薄如着脂粉味非酸不澁實中之同裏頭銳而面方者木瓜也形圓而小味不酸澁者桃也大於木桃似木瓜而無鼻蒂麤味苦澁者木李亦曰木梨即楨櫟及和圓子也一種顆小酸長味極酸曰蔓子一種實中之子如大麻味絕苦澁者名木子即之今人目赤筋痛不可不辨蘇氏曰宣城人種此以充土貢因有花木瓜之稱焉修治以鐵刀削去其并子切片曬乾用李氏曰按大明會典宣城歲貢木瓜燒灰散池中可以毒魚



○木瓜。柔筋脉。健腰膝。斂腎氣。止滑泄之藥也。寇氏曰。木  
瓜味雖酸。漚得木氣之正。故酸能平木。而有柔養筋脉  
健腰膝也。又酸能斂氣。而有收攝津液。除消渴而止滑  
泄也。所以滑氏方治霍亂轉筋。及濕痺脚氣。此木鬱而  
筋爲病也。腰腎虛弱。羸怯無力。此精衰而筋脉失所養  
也。觀乎濟陰湯。用之以斂腎。羌活散。用之以逐痺。香薷  
飲。用之以解暑。而止渴止瀉。續蘇散。用之以治脚氣。攻  
冲而散腫結。活步履也。此藥平木。養金和土。濟水。故薛  
氏方治夏月氣虛內熱。喘喝氣短。嘔吐作瀉。筋骨掣痛。  
等證。以木瓜白朮各一兩。人參三錢。煎湯代茶飲之。  
○繆仲醇先生曰。木瓜味酸氣溫。得春生之氣。稟曲直之

化爲脾、胃、肝、三經之體用藥也。通行互飲，有並行不悖之功。故王諸痺脚氣濕傷於下者，取効甚捷。

○集方治血氣兩虛筋脉不柔轉動以致腰膝堅強作痛。

用木瓜五兩，當歸白朮各三兩，川芎二兩，紅花一兩，其

草五錢，大棗三十個，帶核槌碎，分作十劑，水煎服。○治

腎氣虛散不時溏泄，用木瓜十兩，杜仲八兩，茯苓五兩，

補骨脂三兩，吳茱萸二兩，湯泡過，北五味子一兩，分作

十劑，水煎服。○治腎氣虛乏精元不固，用木瓜五兩，大

懷熟地六兩，酒煮，北五味子一兩二錢，酸棗仁二兩，炒。

菟絲子二兩四錢，白芍藥醋炒，杜仲鹽水炒，各三兩，黃

柏酒炒，一兩，分作十劑，水煎服，名濟陰湯。○治風寒濕

三氣合而爲痺。筋骨疼痛。四肢不舉。用木瓜三兩。羌活  
防風。漢防己。酸棗仁。川芎。各二兩。附子。童便製過。二兩。  
天麻。牛膝。茯苓。白朮。薏仁。各三兩。共爲細末。每服三錢。  
早晚白湯調服。名羌活散子。○治感冒時行暑熱。口乾  
作瀉。四肢無力。用木瓜三兩。藟豆。陳皮。厚朴。各一兩。五  
錢。甘艸一兩。香薷四兩。加生薑黑棗各一兩。水三十大  
碗煎減半。取出。井中頓冷服。名香薷飲。○治脚氣攻冲。  
頭痛發熱。嘔逆。遍身筋骨作痛。用木瓜十兩。檳榔四兩。  
真紫蘇葉三兩。牛膝二兩。木通一兩。小茴香八錢。分作  
四劑。水煎服。名檳蘇散。○治暑月寒熱不調。霍亂轉筋。  
吐瀉。用木瓜五錢。砂仁一錢。杏仁。半夏。茯苓。白朮。厚

朴、藿香各一錢五分，香薷四錢，甘草五分，生薑二片，水煎冷服。名六和湯。治傷暑霍亂之兼有寒食者。○又方：用木瓜六錢，香薷五錢，甘草四錢，黃芩三錢，黃連二錢，滑石一錢五分，白水煎冷服。名香薷苓連湯。治傷暑霍亂之有中熱者。

續補集方

治陰寒吐瀉轉筋用木瓜一兩，白朮、土炒五錢，乾薑四錢，人參三錢，附子、童便製二錢，肉桂一錢，水煎冷服。○治絞腸痧瘴腹痛轉筋用木瓜五錢，蕎麥二兩，滑石四錢，生明礬一錢，葱頭十根，水煎冷服。以鐵針刺足三里出血，或十指甲邊刺血出愈。○治血虛轉筋用木瓜一兩，當歸、威靈、牛膝、白芍藥、牡丹皮各四錢。

川芎二錢、甘草一錢、水煎服。④治濕熱轉筋、用木瓜一兩、薏苡仁、白朮、茯苓、五加皮、石斛、草薢、黃柏、蒼朮各五錢、水煎服。⑤治小兒<sup>千金方</sup>洞痢、用木瓜一兩、煎汁飲之。⑥治<sup>聖惠方</sup>髮稿不澤、用木瓜浸油梳頭。⑦治<sup>同前</sup>糊花痔瘡、用木瓜爲細末、以鱖魚身上涎調塗之、以紙護住。

○倪朱謨曰、木瓜養筋藥也、脚氣病方中多用此、脚病多屬筋也、推而論之、如筋病、若頭頂若臂膊若腰膝徧體之病、屬筋者、咸需之、又不專主脚氣也、故前古本草藥性俱稱統治筋骨痠痺、攣攣作痛可知、不專主在脚也。

山櫨，酸甘微苦，氣溫無毒，沉也，降也。入足陽明、太陰二經。

陳氏曰：山櫨，山南山高厚，所在亦有，樹高數尺，古時可愛，枝有叢刺，葉有五尖，三月開花，五出，碎小，色白，綴實似林檎，而小有黃赤二種，霜後乃熟，核似牽牛子，色褐而堅，一種實大而赤，其酸可用。名曰棠櫨，唯供食料，修治，晒乾用，或用水潤濕去核焙燥用。

○山櫨疏脾氣，消瘀血，化食積之藥也。方氏曰：此藥味酸甘而體質鬆利，氣溫平而性專宣達，故唐本草主化宿滯，一切食積，為痞滿，為癥瘕，為下痢，加平胃散中奏效甚捷。而廖氏方又能消瘀血結血，婦人產後一切聚血如兒枕作塊，固結不行，或惡露已行，旋止未盡，腹脹痛者，煎汁和沙糖服，即時化結行瘀，立見安定。然性雖化

堅逐滯而味兼甘酸又能健運胃氣去陳生新非若檳  
青枳朴苦利剝削專一破氣消痞有倒脾胃生發之氣  
也如蔡氏方用山楂去核取肉大麥肉白秫米各一觔  
微炒研爲粉每早用一兩入白糖少許滾湯調食大能  
開胃健脾化痰進食方三則此方勝正宗通利二便於老人小兒更有益焉  
○集方治產後兒枕塊痛及惡露不行用山楂五錢益母  
草三錢當歸澤蘭葉三稜川芎各一錢五分炮薑玄胡  
索五靈脂牛膝陳皮各一錢水煎服○治男子婦人小  
兒一切諸滯腹痛以山楂一味煎湯飲○治疳瘕偏墜  
作痛用山楂小茴香各一兩爲末每早用三錢白湯調  
服

柿味甘澁氣寒無毒沉也降也入手太陰陽明經。

舊氏曰：柿子南北皆有之。李氏曰：樹極高大，亦有小株者。接則易茂，本生者果稀。味澁，唯堪造漆。葉圓光澤，花小黃白色。五月綴實，八月果熟。生時青綠，熟則丹紅。種類亦多：唯紅柿所在皆有，黃柿出汴、饒、朱柿出華山。珍柳柿色青，可生啖，著蓋柿蒂下別有一重，如覆瓶之蓋。盧氏曰：更有鹿心、牛奶、雞卵、猴棗、蒸餅、鏡面、丁香、福孫多寶、團花及白柿、烏柿、綠柿、斑柿、碧柿、火柿、水柿之別。其蒂有方有圓，有薄有厚，有覆有仰，其核有正有側，有圓有扁，有長有短，有軟有堅，有本尖有末銳，有有稜有無稜。有有核有無核，核少者佳。無核者食之至美，而益人者也。勿采頭澁或灰或米，或溫水養旬日，澁味去，甘滑可口矣。或置木瓜、酥梨、橘葉于中，更易熟而臭香。唯水浸可以久藏，謂之淋柿。栗半熟去皮，先熏後暴，或懸有風處，俟乾納器中，久之遍體生霜，均名柿饒。更有柿片、柿心、柿鍾，此造製隨人力而賦形耳。事類合璧云：柿朱果也。大者如棗，八稜稍圓，其次如拳如卵如心。一種小而如折二錢者，謂之猴棗，其根甚固，謂之柿蒂。世傳柿有七德：一多壽，二多陰，三無鳥窠，四無蟲害，五霜葉可玩，六嘉賓，七落葉肥滑，可以臨書也。



○柿餅潤心肺養血藏之藥也。陳氏曰：此果味甘如蜜，質潤如酥，肉凝如膏，裂之有脂膜脈絡。味本酸澁而化甘，乃脾肺之用藥也。故孟氏方和胃健脾，治火炎土燥，血澁便難，產婦無乳，蒸熟和飯嚼，嬰兒能充乳食，且善長養。又日華方潤肺補心，治吐血、咯血、嗽血、咳血及小便淋血、腸風瀉血、痔熱流血等證。大能益氣涼血，化痰寧嗽，止渴生津。大人虛勞宜煎膏食之，入兒科方可代乳朮。入虛勞方可代天麥二門冬，生熟兩地黃也。但味甘性潤而多滯氣，如胃冷有寒痰者，脾冷嘗滯泄者，肺寒多冷嗽者，俱忌用之。同蟹食令人腹痛泄瀉，同酒食令人易醉。

盧不遠先生曰。厚肉多絡。具經脈之形。味甘性滑。有養  
竅之利。晚熟稟秋金之化。又云。蒂有主義。吸義降義。轉  
輸義。順行義。故可對待逆上之氣。呼出不能自主。亦非  
專主于降。力能專主于不逆也。

○集方治內熱血燥大便管艱用柿餅不時煮食。○治吐

血咯血嗽血咳血及小便淋血腸風瀉血痔熱流血等

證用柿餅一觔

青州出者

去蒂核。枇杷葉刷去毛。白菓肉去

衣。懷熟地各四兩。生薑皮一兩。炒焦黑。白朮五兩。天門

冬。麥門冬俱去心。各六兩。用水五十碗。熬至十碗。濾出

渣。再如法煎。共三次。取汁共三十碗。總和一處。入砂鍋

內。慢火熬至五碗。加煉蜜六兩。收貯淨磁瓶內。每早午

晚各服十餘茶匙。白湯調服。○治腸風瀉血。用柿餅一觔。切碎。生薑切片六兩。同炒焦黑。研爲末。飴糖爲丸。梧子大。每早服五錢。米湯下。○治小兒秋痢。用柿餅和白粳米煮粥食。○解桐油毒。以柿餅食之。

○柿蒂。味苦。瀋氣溫。無毒。入手太陰肺經。

盧子由先生曰。柿本瀋而熟則甘。蒂則仍含本有之瀋。而不遷。瀋者。酸收之甚耳。宜入太陰經。如肺所生病。爲煩心。胃滿。上氣欬逆。其不足。則病哕噦。諸氣寒。則爲下。香使熱。則爲黃連使。兩得其用矣。

沈川施先生曰。按丹溪翁謂人之陰氣。低胃爲養。土傷則木挾相火。直冲清道而作欬逆。宜竹茹黃連柿蒂湯。

主之。此言熱呃也。濟生論謂陽竭于下。孤陰獨存。陰氣亦將旋脫。故逆上而作呃。宜丁附人參柿蒂湯主之。此言寒呃也。又按準繩論呃逆之證。有傷寒吐下後。久病產後。陰血大虧。陽氣暴逆。自下逆上而作呃者。非大溫中補中之劑。不能治。又有平人。飲食痰氣抑遏。而氣自臍下衝脉直上咽膈而作呃。或蹇逆之聲。用平胃二陳湯加柿蒂。數枚煎服。亦可止也。觀于柿蒂之苦澀。但可散逆氣。而因寒因熱因虛因滯者。則佐以丁薑茹連參朮平胃二陳輩。在司業者。當仔細斟酌。毋輕視也。

○柿霜味甘。微澆。氣平。無毒。入手少陰太陰經。

李氏曰。取乾柿生霜者。其法用大柿去皮。捺扁。日曝。俟露至乾。內磁器中。待生白霜。入舌上。見津唾自化。無滓。

者

朱熹字

柿霜清上焦虛火之藥也。李氏方主心肺鬱熱燥熱肺癰肺痿吐血咳血諸證。蓋寒平滋潤于虛勞。方止嗽生津。化痰涼血。如病久畏藥味者。用此可作藥中果珍。每日發晚白湯調服數錢甚妙。○治傷酒內熱人多痰多嗽多喘。及老人痰火爲患。用柿霜黃芩酒炒。天門冬去心。酒煮。搗膏。橘紅。瓜蒌霜各一兩。海石煨。桔梗。真青黛各五錢。風化硝三錢。除天門冬搗膏外。餘藥俱爲細末。和入天門冬膏。煉蜜丸。彈子大。食後噙化。一九化痰定喘如神。

石榴皮味酸。溫。性收斂。無毒。

着氏曰。博物志云。石榴。木生西域。漢張騫出使外夷。于安石國。得種以歸。今中國隨地可植。木不甚高。枝柯作叢。葉如細柳。折其條。挿土中便生。五月開花。色大紅。或有黃白色者。單瓣者。結實千瓣者。不結實。實如荔枝色。紫黑。有斑點。經霜自折開。裏如蜂巢。有黃膜隔之。子形如人齒。色淡紅。如寶石。有光。咬之有水。味甘酸。外有味酸。苦不甘者。係野山積石中生。取皮亦可充藥用。

朱製字抄

○石榴皮。瀉腸止痢之藥也。李氏方能治久痢虛滑不禁。并婦人血崩帶下諸疾。陳氏方又安蛭蟲。蓋取酸澀收斂下脫之意。與訶子肉。罌粟殼同義。

○集方治赤白下痢久不止。用石榴皮一兩。切碎炒焦。爲末。每服一錢。人參湯下。此方兼治血崩并帶下疾。○治小兒蛭蟲不時下。或十數百數。急以石榴皮一兩煎湯。

飲之。五日卽止。○治脚肚生瘡作痒。初起如粟搔之黃水浸淫。痒痛潰爛。遂致繞脛而成痼疾。用酸石榴皮煎湯。日日洗之。一月自愈。

○續補集方治痔瘡腫痛出水。以石榴皮一兩。黃柏五錢煎湯洗過。以冰片一二釐。紅入痔瘡破爛處。立効。○治凍瘡久爛不愈。用石榴皮。冬瓜皮。甘蔗皮。三味燒灰存性。研末敷上卽愈。

橘皮味甘辛酸苦氣溫無毒味澀氣厚降多升少陽中陰也入手足太陰足陽明經

別錄曰橘柚生江南及山南山谷。蘄氏曰今江浙荆襄湖嶺皆有之。本高一二丈。枝華間多生刺。其葉兩頭尖。色深綠。而背皆光。長寸許。四月開。小白花。六七月成實。至冬黃熟。小者爲橘。大者爲柚。李氏曰夫橘一也。而外有柑。柑極枳。枳四者相類。而種不同。橘實小。其瓣甘微酸。其皮薄而紅。味辛而苦。柑大于橘。其瓣味甘。其皮厚而黃。味辛而甘。而不辛。極大如橘。其瓣味酸。其皮最厚而黃。味甘而不辛。極小如橘。其瓣味酸。其皮厚而有癭。味甘辛酸而不苦。若枳者。卽橘種踰淮而北。爲枳。其實大如橘。其瓣味酸苦。其皮厚。味酸辛而苦。如此分之。卽不誤矣。盧氏曰橘柚通呼。以本經命名爲正。類有枳柑。園枳之異。樹有高下。大小。有刺無刺。有刻無刻。之別。實有圓扁長銳。大小光紫之殊。大都色象深綠。凌冬不凋。則一也。實皮布竅。色深于皮。皮裏有膜囊。上有味囊。中爲囊。囊內裹汁。以養核也。種數雖多。但以皮肉氣味互爲分析。橘皮若不可食。肉甘可食。極皮味甘可食。肉酸不可食。柑皮與肉酸甘皆可食。園枳皮肉味皆苦。不可食。柚則形長。皮肉與橘同味。大段橘之美者。皆接生子。



種者不結實。縫結實亦形長而味不美。今人指此為柚。子悞也。柚子不用接生。亦取本有香味。不從人力為也。廣中柚子極大。可食。永嘉呼之為苞。此又似圓名。雖同柚。種則異矣。又韓彦直有橘譜。列十有四種。以溫州者。獨為上品。今衢州航埠沿溪三十里。夾岸樹橘。花朝香。雪。鶯空果熟。金星綴碧。種有巨細。色有紅黃。約二十餘種。唯瑤橘最美。仁和樓水產蜜橘。凡數十品。名金錢。穿心者。秀色可觀。又不如一種。佛肚。形小。皮癢。甘美。如蜜也。霜降後。來取。氣足味足。密藏至春。剖皮抽脉。破囊吮汁。亦可振精神。為得句。被疑之助。若欲取皮。用充藥餌。不若廣中者。皮薄。羊香。愈陳則愈善也。○再按橘。諸橘。西出。湖廣。荆襄。南出。閩廣。撫州。衢州。皆不如浙西。溫州。為上品也。黃橘。扁小而多香。露朱橘。圓小而綠。暗紅。亦可愛。霜後色赤如火。乳橘。狀如乳柑。皮堅。多味。經甘芳。場橘。形大而扁。外綠。心紅。瓣巨多。波。經春乃甘。美。包橘。外薄。肉盈。其脉瓣。附皮可數。細橘。微小。極軟。香。美。可愛。而不多結。沙橘。細小。甘美。油橘。皮似油。餠。中堅。外黑。乃橘之下品也。早黃橘。狀半已紅。凍橘。八月開花。冬結。春采。穿心橘。實大。皮光。而心虛。可貫繩。荔枝。橘出。橫陽。管理。緻密。如荔枝也。俗傳橘下埋鼠。則結實加倍。又相感志云。橘見屍而易繁。涅槃經言。橘見鼠。其果實多。周禮言。諭。淮而北。變為枳。地氣使然也。冠氏曰。橘皮。

乃六陳之一。醫家日用所需。今市家以乳柑皮亂之。不可不辨也。凡橘皮極苦。柑皮不甚苦。或以皮之紫皺分別。有方士不同。亦互有紫皺也。李氏曰。橘皮紋細。色紅而薄。肉多筋脉。其味苦辛。柑皮紋粗。色黃而厚。肉多白膜。其味甘辛。柑皮最厚而虛。紋更粗。色黃。肉多膜。無筋。其味甘多辛。少以此別之。即不差矣。又按橘皮性溫。柑皮性冷。今天下多以廣中橘皮為勝。蓋因香辛而烈。故也。江西者。次之。台獨者。又次之。若以柑皮。補皮。偽充。則又懸絕矣。

○橘皮理氣散寒。寬中行滯。健運腸胃。暢利藏府。曰華子

之聖藥也。顧杓匏曰。此藥總屬理氣之珍。

方無源少

若霍亂嘔吐。

氣之逆也。泄瀉下利。氣之寒也。關格中滿。氣之閉也。食

積痰涎。氣之滯也。風寒暑濕。氣之搏也。七情六鬱。氣之

結也。橘皮統能治之。其去白開痰。留白和脾。蓋味辛善

散。故能開氣。味苦善泄。故能行痰。其氣溫平。善于通達。

故能止嘔止欬健胃和脾者也東垣曰夫人以脾胃爲主而治病以調氣爲先如欲調氣健脾者橘皮之功居其首焉然君白朮則益脾單則利脾佐甘草則和氣否則損氣同竹茹芩連治呃逆因熱也同乾薑桂附治呃逆因寒也補中用之以益氣二陳用之以除痰乾葛用之以清胃解酲平胃用之以消食去濕同補劑則補同瀉藥則瀉同升藥則升同降藥則降脾乃元氣之母肺乃攝氣之籥故橘皮爲二經氣分之需各隨所配而建功也而于他證有不宜用者如亡液之證不可用因其辛以散之也自汗之證不可用因其辛不能斂也元虛之人不可用因其辛不能守也吐血之證不可用因其

辛散微燥恐有錯經妄行也。

沈則施先生曰橘皮下氣消痰橘肉滯氣生痰一物之性表裏各異如此又他藥貴新惟橘皮貴陳入和中理胃藥則留白入下氣消痰藥則去白。

○集方治胃寒氣滯胸腹滿脹飲食少進者用陳皮乾薑各二錢半夏茯苓各一錢五分砂仁厚朴於白木各一錢甘草五分水煎服。○治霍亂嘔吐用陳皮三錢藿香二錢因寒者配乾薑砂仁各一錢五分因熱者配黃連黃芩滑石各一錢五分水煎服。○治泄瀉下痢用陳皮三錢藿香二錢因虛者加白朮土炒三錢茯苓二錢甘草一錢因實者加枳實麩炒三錢厚朴二錢木香一錢

水煎服。○治關隔中滿病有寒熱虛實四端治法與前  
二方加減同。有兼氣證者加參朮。有兼血證者加歸芎。  
○治食積痰涎。用陳皮三錢。配枳實厚朴麥芽穀芽紅  
麴半夏膽星各一錢。此實證用也。配白朮人參茯苓當  
歸厚朴麥芽穀芽各一錢。甘草五分。此虛證用也。○治  
風寒外感表證。頭痛發熱。用陳皮二錢。配紫蘇葉乾葛  
防風杏仁白芷各一錢。葱頭三箇。生薑三片。水煎服。冬  
月感寒無汗。涼加桂枝麻黃數分。○治七情六鬱中膈  
不和。用陳皮二錢。配半夏膽星。痰黑山梔黃芩。火香附  
枳殼。氣山檀紅麴。食當歸川芎。血蒼朮厚朴。濕各一錢。  
黑蘗三箇。生薑三片。水煎服。各隨見證加入。已上七方

醫類抄  
暢心集

丹溪方

續補集方治濕痰停滯胸膈欬唾稠粘用陳橘皮八兩  
湯泡洗淨食鹽五錢水五碗同煮乾晒燥甘草一兩俱  
炒燥研爲末蒸餅打糊爲丸梧子大每早晚各服二錢  
白湯下○治冷氣客于中脘壅遏不通是爲脹滿用陳  
橘皮四兩於白朮二兩木香一兩共爲末酒糊丸梧子  
大每食前吞二錢白湯下日三○治嘈雜吐水奇方用真陳  
廣橘皮去白二兩爲末每日五更取末藥五分舐之卽  
睡三日必効○治諸氣呃噫用陳橘皮二兩去白水一  
升煎五合頓服加枳殼一兩尤佳○治卒然失聲時後方用陳  
橘皮五錢水煎徐呷○治胸中有熱兼停食生痰者用

陳橘皮五錢炒。水煎代茶飲。○治脚氣衝心。或心下結  
硬腹中虛冷。用陳橘皮一觔炒。杏仁五兩。去皮俱研爲  
末。煉蜜和丸。如梧子大。每食前米湯下三錢。○治風痰  
死血。手足十指麻木。用陳橘皮一觔。水十大碗。煮爛至  
二碗。瀝出。再用水十碗。煮至一碗。總和頓服。取吐痰如  
不吐痰。加瓜蒂末一錢。○治脾寒諸瘧。不拘老少孕婦。  
用陳橘皮三兩。生薑自然汁浸透。再用水二碗。煮乾。晒  
燥。研末。每服三錢。用黑棗湯調下。○治小兒疳瘦。用陳  
橘皮二兩。炒。川黃連三錢。酒炒。共研末。入麝香二分。研  
勻。粟米糊和爲丸。如綠豆大。每服一錢。米湯下。此藥大  
能消食和脾氣。

○橘紅。味苦辛。氣溫。無毒。入手足太陽。太陰陽明。十二經。

劉氏曰橘紅即陳橘皮刮去白膜以廣中者更勝

橘紅下氣化痰之藥也。李東垣曰橘皮留白調胃和中。

橘紅去白消痰降氣較之橘皮性稍烈耳。

○橘核。味苦。氣溫。無毒。入足厥陰肝經氣分。

李氏曰橘核修治須以新瓦焙燥。搗去殼研碎入藥用。

橘核疎肝散逆氣下寒疝之藥也。此藥外白內青體具

金木而內含春氣發陳之用。味苦而腥。又得降下疎泄

之力。故曰華子主膀胱浮氣陰疝腫疼或囊子冷如冰

硬如石下墜如數十觔之重。取橘核數兩作末。每早午

晚各服一次。每次用藥末一錢。食前酒調下。蓋取象以



核而治核之意也。又婦人寢疝。小腹攻疼。腰膝重滯。氣逆淋帶等疾。以一兩白水煎服。立定。蓋取苦溫入肝。而疎逆氣之功也。古方有橘核丸。治證頗多。詳見卷四。  
○橘葉。味苦辛。氣溫。無毒。可升可散。陰中陽也。入足厥陰肝經氣分。

李氏曰。取橘葉以新嫩無破損。完片者佳。

橘葉。疎肝。散逆氣。定脇痛之藥也。按丹溪老人言。此藥其味苦澁。其氣辛香。其性溫散。凡病血結氣結。痰逆火逆。病爲脇痛。爲乳癰。爲脚氣。爲腫毒。爲胸膈逆氣等疾。或搗汁飲。或取渣敷貼。無不應手獲効。

○青橘皮。味苦辛。氣溫。無毒。氣味俱厚。沉而降。陰也。入手

足厥陰手足少陽經。

李氏曰青橘皮乃橘之未黃而外皮青色內脈堅實者晒乾堅硬如石子其氣芳烈入藥以湯泡軟剖開去瓢切片醋拌炒用今市家多以小柑小橙小柚堅實未黃者偽充不可不辨

青橘皮破滯氣削堅積之藥也。凡病鬱怒氣逆而脇肋刺痛。或疝氣冲築而小腹牽弦。二者乃肝氣不和之病也。或溫瘧痞悶而寒熱不清。或下痢痛甚而小腹脹滿。或小兒食疳諸積而肚大肢瘦。三者乃脾氣不和之病也。此劑苦能泄辛能散芳香能辟邪消瘴運行水穀誠專功也。所以東垣云破滯氣愈久愈効去堅積愈深愈良徑行直達立行無阻製炒以醋所謂肝欲散急食辛以散之苦以降之酸以泄之也。陳橘皮浮而升入脾肺

氣分。青橘皮沉而降入肝膽氣分。一體二性。物理之有  
不同。如此。但有滯氣。則破滯氣。有堅積。則去堅積。否則  
大損正氣。善治者。當斟酌行之。

○集方治肝氣不和。脇肋刺痛。其痛如擊如裂者。用青橘  
皮八兩。酒炒。白芥子。蘓子。各四兩。龍膽草。當歸尾。各三  
兩。共爲末。每早晚各服三錢。韭菜煎湯調下。○治疝氣  
冲築。小便牽強作痛。用青橘皮八兩。醋炒。胡盧巴二兩。  
當歸。川芎。小茴香。各一兩。俱酒洗炒。研爲末。每早服三  
錢。白湯調下。○治溫瘧痞悶。而寒熱不清。用青橘皮。檳  
榔。厚朴。草菓。柴胡。各一錢五分。知母。半夏。白芍藥。茯苓。  
各一錢。生薑二片。水煎服。○治痢疾痛甚。小腹脹滿。用

青橘皮、柴胡、乾葛、當歸、白芍藥、木香、川黃連、枳殼各一錢二分。甘草七分。水煎服。○治小兒食疳諸積、腹大臃瘦、用青橘皮、於白朮、山楂肉、麥芽、穀芽各二兩半、夏升麻各八錢俱微炒、研爲末、每早服三錢、白湯調下。

○治心胃久痛不愈、得飲食米湯卽痛極者、用青皮五錢、玄胡索三錢俱醋拌炒、甘草一錢、大棗三個、水煎服。

治黃病有積用青皮蒼朮厚朴麥芽穀芽檳榔各  
二兩甘草六錢俱炒燥研細末綠礬二兩火煨紅研過  
共和勻紅棗煮去皮核搗爛爲丸梧桐子火每服一錢  
白湯送下每蚤午晚各食前服一次○治脚氣久腫不  
消或脹隆疼痛用青皮一二兩紅棗肉二兩同煮每日  
空心食棗肉十餘枚漸消○治婦人無故經水不行腹  
脹如膜非病非孕飲食如常精神亦平者此名氣分用  
青皮四兩白朮六兩砂仁一兩共爲末飴糖爲丸梧桐  
子大每早空心服五錢酒送服藥完卽愈○治老人停  
食腹脹用青皮生薑紫蘇各二兩煎湯冷病者乘熱與  
湯中以帛揉心胃肚腹脹消食自化

枇杷葉味苦微辛氣溫無毒氣薄味厚陽中之陰入手太陰足陽明經

蘇氏曰枇杷出襄漢吳蜀閩浙江西湖南諸處木高丈許枝肥葉長形如驢耳背有黃毛陰密娑娑可愛四時不凋盛冬開白花至三四月成實綴結連枝形如彈丸生時色青綠味酸熟時色黃白味甘皮上微有毛皮肉甚薄核大如茅栗色黃黑修治四月采葉削去毛淨治胃病以薑汁塗炙治肺病以蜜水塗炙

○枇杷葉安胃氣潤心肺養肝腎之藥也沈孔庭曰主嘔

噦反胃而吐食不止

別錄安胃

或氣逆痰滯而咳嗽肺寧

氣也或虛火煩灼而舌乾口燥

養腎

或瘟疫暑暍而熱渴

地也不解

氣也

此果秋英冬花春實夏熟倍歷四氣能使五

藏咸調六府清暢他如聖惠方之治衄血不止本事方之治酒瘡赤鼻諸證總不外潤養氣道清解熱血之疾

也李時珍又言此藥下氣之功特異氣下則火降痰順而逆者不逆嘔者不嘔渴者不渴欬者不欬矣於勞嗽諸方可稱專劑但性稟清肅而涼如胃寒嘔噦及肺感風寒而咳嗽者兩皆忌用

○集方治雜病嘔噦吐食不止

已下五方出方脈正宗

用枇杷葉十片刷去皮蘆

汁塗炙半夏陳皮茯苓各一錢五分甘草五分水煎服

○治時病卒發嘔噦因熱者用枇杷葉十片刷去毛

製法

前黃芩竹茹半夏陳皮各一錢五分甘草五分水煎服

○治肺氣抑逆痰滯成咳咳嗽聲連發努氣不轉痰逆不

出俗名頓噎用枇杷葉十片刷去毛

製法如前前胡防風薄

荷杏仁桑皮蘆仁桔梗各一錢五分甘草升麻各七分

水煎服。○治陰虛內熱舌乾口渴用枇杷葉十片刷去毛蜜水炙懷熟地知母白芍藥黃柏花粉玄參白朮沙參各二錢水煎服。○治時行熱疫煩渴躁亂并中暑中暈一切火證用枇杷葉十片刷去毛。製法如前川黃連麥門冬天花粉玄參黑山梔黃芩柴胡乾葛連翹薄荷各二錢甘艸七分水煎服。○治衄血不止。聖惠方枇杷葉刷去毛焙燥研末每服一錢苦茶調服。○治酒瘡鼻赤用枇杷葉三十片刷去毛焙燥山梔子仁二兩炒黑共研末每晚服三錢白湯調服。



真華記

○治痰飲五更咳嗽。喉中有物咽之不下。用枇杷葉火上炙去毛。白茯苓、川貝母、半夏、麴、廣陳皮各三兩。天花粉、蘇子泥、山查肉、連翹、麥芽、麥門冬去心、薄荷葉各二兩。白豆仁八錢。礪砂七錢。研如飛麵。共爲極細末。以山藥粉糊爲丸。如麻子大。每早晚白湯吞服三四錢。

銀杏味甘微苦。瀝氣寒平。有毒。氣薄味厚。性瀝而收。入手

### 太陰太陽經。

李氏曰。銀杏。生江南。以宣城者爲勝。樹高四五丈。葉薄。縱理。儼如鴨掌。形有刻缺。面綠背淡。三月開花。成簇。青白色。二更開。花隨卽卸落。人罕見之。一枝結子百餘枚。如棟子。經霜乃熟。爛去肉。取核爲果。其核兩頭尖。二稜爲雄。二稜爲雌。其仁嫩時綠色。久則色黃。須雌雄同種。其樹相望。乃結實倍多。陰陽相感之妙如此。其樹耐久。肌理白膩。術家取刻符印。云能召使也。

○銀杏潤肺消痰利小便。解淋濁之藥也。倪九陽曰。色白

屬金。肉柔而多汁液。寒滑而潤。故李氏方治肺熱燥咳。喘悶無痰者。或小便淋澀。塞閉帶濁者。或好飲過多。昏醉如死者。又生搗爛。能浣油膩。則其去痰利濁之功。可類推矣。其花夜開。人不得見。蓋陰毒之物。故多食令人

氣壅、臃脹昏頓，又相感志言銀杏能醉人，而延壽書言銀杏食滿千個者死，凶歲有饑者，以白果煮熟代飯食飽，數日後皆死也。

○集方治肺熱燥欬，喘悶無痰，用銀杏五十個，去殼并衣，

也下六方

詳見方脈正宗

搗汁，天麥二冬、款冬花各三錢，水煎，臨服時和銀杏汁。

○治小便淋澁，白帶白濁，欲通不通者，用銀杏五十個，去殼并衣，搗汁，瞿麥、木通、滑石、車前、金沸草各五錢，茯苓二錢，水煎，臨服時和銀杏汁。○治酒醉昏閉不醒，用銀杏肉百個，搗汁，和童便少許，灌之立甦。○治手足皴裂，用銀杏肉搗爛，夜夜裹之。○治下部疳瘡，用銀杏肉搗爛，裹之。○治狗咬成瘡，用銀杏肉搗爛，裹之。

胡桃味甘。氣熱。性滯。無毒。

蘇氏曰。胡桃其形如桃。漢張騫出使西域得種還植之。秦中。漸及東土。故名。李氏曰。胡桃樹高丈許。春初生葉。長四五寸。微似大青葉。兩兩相對。頗作惡氣。三月開花。如栗花穗。蒼黃色。結實至秋。如青桃狀。熟時皮肉腐爛。取核爲果。人多以擗柳接之。出陳倉者皮薄肉多。出陰平者大而皮厚。急捉則碎。汴州雖有。而實不佳。江表亦時有之。

○胡桃肉潤肺活血。暖腎壯精之藥也。邢公甫曰。此藥質

李時珍

潤多油。性味甘澀。滯而多熱。李氏方稱其補命門。益三焦。壯精髓。潤肺消痰。發痘攻瘡。凡一切虛寒爲病。內藏寒結者。服之大有奇功。如肺家有痰熱。命門有相火。一切陰虛吐衄。火燥諸證。悞服取咎匪淺。今據繆氏云。前人多言其有害。不可食。孫思邈云。多食動痰飲。令人惡

性熱

心吐水。蘇頌云。性熱不可多食。馬志云。多食動風。脫人  
睂同酒食。令人咯血。汪穎曰。多食生痰動腎火。然而近  
世酒家。往往以之佐酒。則多食吐水。咯血。脫睂動火。屢  
見其蒙禍也。但性本熱。惟虛寒者宜之。故李氏有補命  
門。益三焦。壯精髓等句云。

梅青子曰。據御藥院方。言胡桃益血補髓。強筋壯骨。故  
古方有治寒。汕脚氣。腰脊脇痛。諸疾。虛而血冷。有寒凝  
者。食之立見功效。如佐補骨脂。有溫養命門。活血氣。生  
精髓之妙。久食能明目清心。潤肌黑髮。延年益壽。然止  
宜少食。漸食爲佳。如多食。頓食。未嘗不取發燥動火。生  
痰之咎也。

○集方治血寒<sup>傳方</sup>瘀滯不行筋骨痠痛以胡桃肉三十枚浸酒飲之如不飲酒者以胡桃肉蚤晚各食二枚白湯過下七日愈○治老人痰嗽不止每臥時嚼胡桃肉二枚呷白湯過下七日愈○治小兒痰喘用胡桃肉一個去殼不去皮搗碎煎湯徐徐以匙挑入口內半日即止○治感寒發熱頭痛無汗用胡桃肉三個葱白五條生薑五片細茶貳錢共搗爛水二大鍾煎八分熱服覆衣取汗○治食物醋心用胡桃肉二個嚼爛以生薑五片泡湯過下立止○治食酸齒齲用胡桃肉三個細嚼即解○治血崩不止用胡桃肉十五個燈上燒存性研作一處空心白湯調服○治急心痛用胡桃肉一個黑棗一

枚。去核濕紙裹火煨熟細嚼以生薑三片泡湯下。永父

不發。○治便毒魚口楊氏經驗方毒端午日取樹上青胡桃陰乾燒

存性爲末每服三錢白酒調下。少行一二次未成膿卽

消有膿自大便出也。三四服卽平。

胡桃青皮味苦澁氣溫無毒開寶方止水痢之藥也。陳氏化雨

曰此藥色青易黑味澁性收聖濟錄染鬚髮而止水痢

其義一耳。

○集方染鬚髮卽黑用胡桃皮聖濟總錄蚶蜊各等分共擣如泥加

白糖十分之一再擣勻塗鬚髮卽黑如漆。○治水痢正朱方不

止用青胡桃皮一兩擣碎鐵鍋內微炒再擣細每旦服

三錢白湯下立止。

橡斗實味苦氣溫無毒

李氏曰橡實橡木子也。橡有一種一種不結實者其名曰楸其木心赤詩云瑟彼柞楸是也。一種結實者其名曰栲其實為橡二者樹小則從一枝大別偃蹇其葉如櫛葉而文理皆斜向四五月開花黃色結實如栗而圓其蒂有斗包其半截其仁如老燕肉山人餘歲采肉浸去苦味搗粉蒸食可以充饑。豐年煮熟可以肥猪北人亦種植其木高二三丈堅實而正有斑文點點大者可以作棟柱小者可以作薪炭周禮職方氏山林宜皂物并栗之屬即此也霜後收采其嫩葉泡湯可以充茶。

○橡斗實厚腸胃止下痢之藥也。邢元璧曰此藥味澇而

苦能泄能收。大氏方煮熟食能禁久痢久瀉。歎歲又可

代糧充饑。故係思邈亦云非果非穀而最益人服食也。

○集方治水穀下利。日夜百餘行者。橡斗實炒二兩。楮葉

炙一兩。共為末。每服二錢。食前烏梅湯下。○治石癰堅



硬如石。不作膿。用橡斗實一枚。以米醋力麻正于青石上磨汁塗之。乾即易。不過十次即平。○治腸風崩中帶下。用橡斗實生搗爲末。炒焦黑。每早服二錢。烏梅湯調服。

○橡斗殼。味苦。瀉氣溫。無毒。

○集方治走馬牙疳。用橡斗殼不拘多少。燒透存性。出火毒。研細末。入麝香少許。以苦茶嗽口。搽之。

治風狗咬方。先用苧麻紮住患處兩頭。以衆人小便洗。捻去惡血水。并齒垢。患上用橡斗殼半個。以熱人糞填兩殼內。蓋患處。殼上用艾火炙八九壯。

檳榔味苦辛澁。氣溫無毒。味厚氣輕。沉而降。陰中陽也。

手太陰陽明足陽明經。

別錄曰檳榔生南海。蘇氏曰今交州愛州廣州及崑崙并嶺外州郡皆有。李氏曰子狀非凡。木亦特異。初生似笋。漸積老成。引莖而上。旁無枝柯。莖幹頗似桃榔。其心虛。其外堅。皮似青桐。節似茵竹。大者三圍。高者九丈。葉生木端。似比蕉。餅榔華。條分岐破。風至則如羽扇。掃天之狀。三月葉中起房。蜋蜋刺若棘。遂自拆裂。發穗綴實。凡數百枚。大似桃李。至夏乃熟。連殼收貯。入北者灰煮焙乾。否則易于腐敗。真羅山疏云。一種山檳榔名藟子。生日南。木似餅榔而小。與檳榔同狀。一叢十餘幹。一幹十餘房。一房數百子。子長寸許。五月採之。味近其芭。一種豬蕉。形大而味清。核亦大。即大腹子也。修事用自去底。細切之。經火則無力。雷公云。生用為良。熟使絕無用矣。南方草木狀云。交廣人。凡貴勝族客。必先呈此果。用無爾藤。古賁灰。相合嚼之。吐去紅水。一口。方滑美。不滑。言能去瘴也。

○檳榔主治諸氣。祛瘴氣。破滯氣。開鬱氣。下痰氣。去積氣。

解蠱氣消穀氣逐水氣散脚氣殺蠱氣通上氣寬中氣

李杲

泄下氣之藥也方龍潭曰如巔頂至高之氣不清而爲

頭痛寒熱下焦後重之氣不利而爲積痢腸澼或胸痛

引背兩脇脹滿而喘逆不通或氣痞痰結水穀不運而

關格填脹或水壅皮浮肢體腫脹而行動卽喘如奔豚

脚氣之下而上升如五膈五噎之上而不下或伏尸寸

白蠱結於腸胃之中或瘡疥癰癩流延於肌膜之外種

種病因於水穀不能以時消化羈留而致疾者此藥

宣行通達使氣可散血可行食可消痰可流水可化積

可解矣如日華子謂檳榔能散膜膈無形之氣能下腸

胃有形之物二句盡其用矣然治氣甚効而多用大傷

元氣。繆氏曰。此藥性能墜諸氣。至於下病屬氣虛者。腹中有積滯。而脾胃素虛者。下痢積滯。而不後重者。心腹痛。內無留結。及非蟲攻咬者。瘧疾非山嵐瘴氣。或久病氣血兩虛者。凡脹滿。非腸胃宿食積滯。而關陰陽兩虛。中氣不足者。俱宜忌用。

○集方。

下諸方俱出方脈正宗

治瘧疾寒熱頭痛。從山谷中受嵐瘴。爲一切病。腹

脹嘔吐。不欲食等證。用檳榔如鷄心者。切片。五錢。蒼朮

三錢。厚朴二錢。甘草一錢。俱薑汁炒。慙頭三個。生薑五

片。水煎服。○治心腹結滯。氣逆不順。飲食不進。用檳榔

三錢。枳殼二錢。扶苓一錢。甘草五分。生薑三片。水煎服。

○治五鬱六結。氣脈不舒。用檳榔三錢。枳殼二錢。川芎

黑山梔、廣陳皮各一錢，甘草五分，俱用酒炒，水煎服。○  
治食積滿悶，成痰涎嘔吐者，用檳榔、半夏、砂仁、蘿蔔子、  
麥芽、乾薑、白朮各二錢，水煎服。○治脾虛中氣不足，強  
食生冷、油膩、麵食，成諸積聚，腹中或脹或痛，或瀉，用檳  
榔、砂仁、枳實、白朮各五錢，俱用麩皮拌炒，山楂肉、白牽  
牛、厚樸、乾薑各四錢，甘草三錢，俱用薑汁拌炒，共爲末。  
紅麴爲末，燒酒打糊爲丸，菉豆大，每空心服二錢，生薑  
泡湯吞下。○治蠱毒內攻，用檳榔一兩，明雄黃五錢，共  
爲極細末，薑蒲八兩，搗汁，打生半夏末五錢，作糊爲丸，  
如菉豆大，每早服三錢，生薑泡湯吞下。○治脾胃兩虛，  
水穀不能以時消化，腹中爲脹滿痛者，用檳榔二兩，白

朮三兩。麥芽二兩。砂仁一兩。俱炒。燥爲末。每早服三錢。白湯調服。○治脾肺腎三藏受傷。米氣不化。積爲腫滿。漸成喘急。不能偃臥者。用檳榔一錢。白芍藥炒。茯苓猪苓。澤瀉。車前子各二錢。肉桂一水煎服。十劑愈。○治脚氣腫痛。或寒熱頭痛。嘔逆胸膈。甚至衝心悶亂。不知人事。用檳榔一兩。真紫蘇葉剉。小茴香。吳茱萸各五錢。肉桂八錢。共爲極細末。每服五錢。乾薑泡湯調下。○治伏尸。寸白諸蟲。攻心咬痛。或嘔吐涎水。湯藥不入者。用檳榔五錢。花椒二錢。烏桕二個。葱頭五莖。水煎服。續補集方治傷寒陰病下早成痞。按之虛軟而不痛。用檳榔枳實各三錢。川黃連一錢。共爲末。每服二錢。白湯

下。○治心脾作痛用檳榔高良薑各三錢水煎服○治

膀胱諸氣及痼疾奔豚諸病用檳榔十二枚切片胡椒

十二粒共為末每服二錢白湯調服○治遍身癰瘡用

檳榔一個硫黃一錢米醋磨塗三四次愈

○大腹子味辛苦溫無毒李氏曰主治與檳榔同功

茲不復贅

○治男婦脚氣累發漸成木腫不消用大腹子滾湯磨汁

半盞食前服日二次服二月音消

防痘傷目方用雄雞檳榔各一枚以酒洗淨水以粗布上磨  
一百轉隨將痘兒目閉者以時以溫湯潤開用雞毛  
檳榔水拖兩眼梢三四次其病即落而不傷目也

大腹皮味辛苦。氣溫。無毒。可升。可降。入足陽明。太陰經。

蘇氏曰大腹皮卽檳榔之皮也。鴉鳥多毒。嘗棲檳榔樹上。凡用大腹皮。宜先洗去。蒸水。再以酒洗晒乾用。

○大腹皮寬中利氣之捷藥也。龍潭曰。王一切冷熱之

氣。上攻心腹。消上下水腫之氣。四體虛浮。下大腸壅滯之氣。二便不利。開關格。痰飲之氣。咀塞不通。能疏通下泄。爲暢達藏府之劑。按宋人言。有安胎之說。然此藥既爲利氣之藥。又何以安其胎。正如氣勝而胎不安者。使之氣下。則胎自寬矣。又謂此藥有健胃之理。夫既爲下氣之藥。又何以益其胃乎。如有餘之氣。壅塞不通。使之氣下。則中氣自寬。食飲可進。七八若損氣。爲大腹皮之常性也。元虛氣少者。藥勿施用。



朱正泉曰大腹皮疏氣之功。大畧與檳榔大腹子相同。第檳榔大腹子性烈而下氣取速。大腹皮性稍緩而下氣稍遲。故斗門方配六君子。治中氣虛滯而成腹脹者。服之即通。則安胎健胃之理。不外是矣。

○集方按大腹皮同人參白朮茯苓各一錢甘草五分半夏陳皮各八分。治逆氣上攻心腹。加水香七分。治水腫氣浮。加車前子一錢。治大血氣滯。二便不利。加玄胡索一錢。治痰飲關格。阻塞不通。加白芥子膽星各二錢。治胎脹痛不安。加砂仁殼一錢。治胃口飲食不思。加白豈仁一錢。俱用水煎服。

果部 夷果類

龍眼味甘氣溫無毒入足太陰手少陰經

別錄曰龍眼別名益志又名圖眼以形相似也  
山谷蘇氏曰今閩廣蜀道出荔枝處皆有之性畏寒  
與荔枝並生暖地俗言荔枝繞過龍眼即熟木高一  
丈似荔枝而枝葉微小凌冬不彫春末夏初開花  
似林生極繁衍七月果熟每枝三四十顆作穗如  
葡萄殼青黃紋如鱗甲形如彈丸核若木梔子  
肉白有汁味甘如蜜白露果摘晒焙令乾黃土拌  
染色鮮黃可目也

○龍眼肉補血氣壯精神之藥也李時珍曰食品以荔枝  
為貴而藥品則龍眼為良荔枝性熱而龍眼性和平  
也夫心為君主之官藏神而主血此藥甘溫而潤能補  
血氣補血氣則君主強而精神壯精神壯則神明可通  
故前古有以服養魂魄聰明智慧之說而嚴用和

方以歸脾湯治思慮傷心脾。爲驚悸。爲怔忡。爲健忘。朱肱云。思之疾者。屢用獲効。特取甘味歸脾。能安益心。智之義耳。但甘溫而潤。恐有滯氣。如胃熱有痰。有火者。肺受風熱。咳嗽有痰。有血者。又非所宜也。

○集方治思慮過度。勞傷心脾。爲怔忡。健忘。虛煩不寐。自汗驚悸。用龍眼肉。酸棗仁。炒。黃耆。白朮。茯神。各一兩。木香。三錢。甘草五錢。分作五劑。每劑加生薑三片。大棗三枚。水煎服。

荔枝核味甘。氣溫。性平。無毒。入足厥陰經。

蘇氏曰。荔枝出嶺南。及巴蜀。今閩之泉。福。漳州。興化。閩之嘉。渝。涪州。及二廣州郡。皆有之。其品以閩中為第一。屬中次之。嶺南又次之。其木高二三丈。自徑尺至于合抱。類桂木。冬青之屬。綠葉連連。四時榮茂。不彫。其性至堅。勁。土人取其根。作槽盆。基局。景耐。久用。其花。色青白。狀如冠之數綫。其子。青。雙實。狀如初生枳椇。設有皺紋。如羅衣。初青。漸紅。肉色。紫。白。如肪。玉。味甘。而多汁。夏至後。其子。翕然俱赤。可食也。其核形如小茄子。其色紫。

○荔枝核。疎肝鬱。行滯氣之藥也。鍾春吾曰。故時珍方治癰疽腫痛。及小腸氣痛。婦人血逆氣刺痛等證。以一枚煨存性。為末。酒調服。立效。有述類象形之義云。

○集方治疝氣一切堅痛。用荔枝核。牛膝。補骨脂。玄胡索。茴香。木瓜。杜仲。橘核。車蘇。黃柏。肉桂。各一兩。俱酒炒。研末。每服二錢。空心白湯調服。

橄欖味苦澁。回味轉甘。氣溫無毒。入手太陰。足陽明經。

李氏曰：橄欖生嶺南開廣諸郡。及緋海蒲嶼間。皆有之。樹高丈餘。葉似樟柳。三月開花。八月成實。狀如長棗。青色。兩頭尖。核亦相似。而有砂。核內有三竅。竅中有仁。可食。實熟時。以木釘釘之。或納食鹽少許。於皮內。其實一以自落。同菓子食。則甚香美。生食甚佳。蜜浸鹽淹。皆可入饗。其木枝狀如黑膠者。上人不取。養之。清烈。謂之攪香。又有綠橄欖。黑橄欖。取肉搥碎。乾藏。自生霜。如白鹽。謂之攪醬。黑橄欖核內有仁。肥大。其文層疊。如海蝶蛸狀。而味甘美。謂之攪仁。又有一種方橄欖。出廣西。兩江峒中。似橄欖。而有三角。或四角。與波斯橄欖同類也。

○橄欖肉消酒毒。解一切諸魚鼈之毒之藥也。繆仲醇曰：

此藥味苦澁。而回味轉甘。苦能下氣。故消酒性之上升。澀能欽津。故能生津液而止渴。甘能和中。故能解魚鼈毒。而并化魚骨作鯁也。又按李氏言。取其木作舟。橄欖魚着之。即浮起。故知物理有相畏如此。

○集方治食魚骨鯁用橄欖嚼汁嚥之如無橄欖取核磨  
 對白湯調服亦効治手抓碎成瘡用橄欖磨汁塗之  
 能去癰痕治腸風下血用橄欖帶核燒存性研末每  
 服三錢米湯調下治耳足凍瘡用橄欖核燒研末油  
 調塗之治酒傷昏悶用橄欖肉十個煎湯飲  
 兒胎毒用橄欖一個燒存性研末硃砂水飛過五分生  
 薑麻一錢俱研為細末煉蜜丸如龍眼核大俟兒落地  
 時即取此藥噙兒口內漸漸化下藥化完方可與乳食  
 取下腸胃穢毒令兒少疾

○餘柑子味苦澀回味轉甘氣寒無毒

蘇氏曰餘柑子古名巷摩勒與橄欖一物一種也生廣  
 南交廣愛等州今泉州山中亦有之狀如川樛子

橄欖亦可蜜漬鹽藏其木可製器物樹葉如夜合及槐  
葉其枝如栢其花黃其子圓大如彈丸色微黃有文理  
初入口味甚苦澀良久轉甘其形較橄欖稍圓其主治  
力用與橄欖同如解金石毒合鐵粉搗熟染白髮髮轉  
黑又特異於橄欖也出冠氏陳氏方

枕椰子。味苦。氣溫。無毒。

李氏曰。枕椰子。二廣交屬皆有之。木大者四五圍。高五六丈。拱直無旁枝。有節如竹。葉頂生。葉數十。破裂似棕櫚。葉其木肌堅。斫入數寸。得粉黃赤色。可食。開花成穗。綠色。結子如青珠。每條不下百顆。一樹近百餘條。團團懸掛。若傘。極可愛。其木最重。色類花梨而多紋。可作器。且其局番船用代鐵鎗鋒甚利。

○枕椰子。破宿食。積血之藥也。江南陽曰。西人以此藥磨汁。治婦人產後兒枕血瘀諸疾。及心胃寒疼有驗。

枕椰麪作餅炙之。甘美可食。今人不饑。不惟可代穀食。更有補虛羸損乏。最健補腰脚無力者。出李珣方



無花果味甘。氣平。無毒。入手足大陰。手陽明經。

李氏曰。無花果。出揚州。及雲南。并吳楚間。越間可折枝。杆棒亦成柯枝。如批扣樹。三月發葉。如蜀葵花葉。五月內枝丫中。不花而實。狀如木饅頭。其內虛軟。采以鹽淹。壁扁。日乾。充果食。熟則紫色。軟爛味甘如柿。而無核也。

○無花果開胃止洩之藥也。

○無花果葉去濕熱解瘡毒之藥也。朱丹溪鍾春吾曰。朱丹溪方

主五痔腫痛。取葉煎湯頻頻洗之。漸効。

馬檳榔味甘氣平無毒。

李氏曰馬檳榔又名馬金囊。生滇南。金齒元江諸夷地。蔓生結實。大如葡萄。色紫。味甘。內有核。頗似大楓子。而歲稍薄圓。長斜扁不等。核內有仁。味甘。夏月嚼化過凉水。味甘如蜜。解暑消不傷元氣。

○馬檳榔涼血熱降火鬱之藥也。鍾離吾曰按汪氏方治產難。臨時以馬檳榔數枚細嚼化。白湯送下。須臾立產。產後再嚼數枚。溫酒送下。惡水瘀穢亦自行也。又李氏方治惡瘡腫毒。頻食數枚。白湯送下。立時熱散毒解。

枳椇子味甘氣平無毒

沈氏曰枳椇謂之木蜜以其子甘美如蜜也。小雅所謂南山有枸。楚人稱雞距。巴人稱金釧。蜀人稱棘枸。滇人稱雞橘子。廣人稱結留子。皆指枳椇也。李氏曰木高三四丈。葉圓大如桑柘。夏月開花。枝頭結實如雞爪形。長寸許。紐曲。開作二二三歧。儼若雞之足。踞時青色。經霜乃黃。嚼之味甘如蜜。每開岐盡處結一二寸小子。狀如蔓荊子。內有扁核。赤色如酸棗仁形。飛鳥喜巢其上。故宋玉賦云枳椇來巢。曲禮云婦人之贊枳椇。榛櫛條。卽此也。鹽藏可也。以備冬儲。

○枳椇子解酒毒辟蟲積之藥也。張侍峯曰按東坡集云

眉山揭頴臣病消渴。日飲水數斗。飯亦倍常。小便頻數。服消渴藥逾年。疾日甚。自度必死。予延蜀醫張肱診之。肱取麝香當門子。以酒濡濕。作十許丸。用棘枸子煎湯吞之。遂愈。問其故。肱曰消渴消中。屬脾弱腎敗。土不制

水而成。今診得頽。臣脾脉熱極。腎脉不衰。當由果實酒  
物過度。積熱在脾。所以倍食而多飲水也。水飲既多。溺  
不得不多也。非消非渴也。麝香能殺酒果花木棘枸  
散酒氣。故以此二物專去酒果之毒也。吁。古人重格  
肱殆庶幾矣。醫云乎哉。

果部 味果類

秦椒味辛。氣熱。有小毒。可升可降。入手足太陰足陽明經。

李氏曰。秦椒。花椒也。始產於秦。今處處可種。最易繁衍。其葉對生。尖而有刺。四月生細花。五月結青實。熟則紅。未大於蜀椒。其目不及蜀椒之光且黑也。

○椒紅。溫中煖腎。散痺明目。利氣逐寒之藥也。東垣韋正生曰。

椒性辛烈香散。故前古通治一切寒閉。一切熱鬱。一切氣滯。一切血凝。一切痰風諸證。用此無不流通。如別錄之治產後老血腹痛。及疝瘕蛔結。孟詵之治上氣咳嗽。及齒浮腫痛。甄氏之治經年瘧痢。腹中冷脹。冷痛。及寒濕痞滿等疾。總不外辛香熱散之用也。倘屬內熱血虛。陰火欬嗽者。咸宜忌之。

蜀椒味辛氣熱有毒入手足太陰及右腎命門氣分兼入足厥陰血分

別錄曰蜀椒出武都山谷及巴郡蘇氏曰近以全州西域者稱最今江夏及晉康建平者次之木高五六尺似茱萸而小有針刺葉堅滑無花結實但生於枝葉間類如小豆而圓實子光黑宛如人瞳謂之椒目八月采實其性能收水銀有中椒毒者以涼水麻仁漿解之

○椒紅暖五藏通三焦散瘀血攻冷積逐留飲化癥瘕解

蛔結消宿食殺魚腥水毒之藥也顧杓施曰按李時珍

言椒乃純陽之物其味辛以麻其氣溫以熱稟南方之

陽精受西方之陰氣故入肺散寒而治欬嗽入腎暖水

而治陽衰足冷入肝通滯而治疝瘕奔豚癥瘕蠱毒入

脾溫中而治瀉利水腫嘔吐疸脹入心壯氣而通神明

發陽鬱開腠理達九竅也。他如老人目昏膝軟泄瀉以食合參耆苓朮歸杞輩同用。正取溫陽氣生陰血培後天調養之功也。又按吳猛服椒訣云。椒稟五行之氣而生。葉青皮紅。花黃膜白子黑。其氣馨香。其性下行。能使火熱下達。不致上衝。凡病腎氣上逆。須以蜀椒引之。歸經自安芳草之中。皆不及椒。又按戴元禮云。凡嘔吐服藥不納者。必有蛔在膈間。蛔聞藥氣則動。須於嘔吐藥中加炒川椒二三十粒。蛔見椒則頭伏。此仲景治蛔厥烏梅丸中用蜀椒。正此義也。又按張三丰詩云。椒肉應五行。椒仁通六義。欲知先有功。夜間無夢寐。四時去煩勞。五藏調元氣。目明腰脊健。身輕心竅利。健忘驚悸寧。

更奇。青自秘。回老返嬰。童康強。不思睡。九蟲頓消。三三  
只自逃避。若能久餌之。神仙應可冀。竊謂椒紅丸。雖云  
補腎。不分水火。惟脾胃命門。虛寒有濕熱者。相宜。若肺  
胃素有人熱者。非所宜也。又吳猛方。取蜀椒。去目。一兩。  
合口者。炒去潤。搗取紅。以生地黃自然汁。煎成膏。和椒  
紅末爲丸。空心酒下三十丸。其功不可盡述。○治心腹  
冷痛。囊冷入腹。呃噫不止。寒濕脚氣。水氣腫滿。食瀉不  
化。久冷下痢。老幼泄瀉。食茶面黃。腎囊風汗。蛔結上攻。  
等證。

外有蔓椒。崖椒。北椒等。味雖辛而微帶苦。不甚香。僅堪  
者。雞鴨鵝羊猪魚肉等。殺諸腥氣。不入藥用。



胡椒味辛。氣大熱。有小毒。氣味俱厚。可升可降。陽也。入足太陰。少陰。厥陰經。

李氏曰。胡椒。生南番諸國。及交趾。滇南。海南諸地皆有之。蔓生。附樹。及作棚引之。葉如扁豆。山藥。二月開黃白花。結椒。累累。纏藤而生。狀如梧桐子。亦無核。生青熟紅。青者味更辣。四月成實。五月采。曝乾。乃皺而黑。碎之內中。爲日用必需物也。

○胡椒溫中下氣。去冷消食。化一切魚腥水菓菜蕈之藥。

也。朱丹溪曰。胡椒屬火。性燥。稟純陽之氣。食之快膈。其

去胃中寒痰。食已卽吐水甚驗。故唐本草主去寒痰止

嘔逆。禁火痢。散寒疝水瘕等證。蓋本溫中散寒之君劑

也。然走氣助火。能耗真氣。又如脾胃肺大腸有鬱熱者。

不宜擅食也。又按李瀕湖云。一人自少嗜此。歲歲病目。

而不疑及後絕之。目病亦止。後偶食一二粒。即便昏澀。此昔人所未試者。又按張子和云。噎膈之病。或因酒得。或因氣得。或因胃火。前人不察。屢投溫燥之藥。通經快膈。暫開一時。隨後復噎。胡椒未已。豆蔻繼之。丁香未已。萆薢繼之。雖云和胃。胃本不寒。雖曰補胃。胃本不虛。況三陽既結。食必上潮。止宜溫平潤養湯丸治之。漸有進食之機。急投香燥。未有不速敗者。然他書亦有食入復出。無火之證。又有痰氣鬱結。得辛熱始開之病。則胡椒。薑桂。豆蔻。丁香。用所不廢。在醫者權變用之。何如耳。凡治已上諸證。每用胡椒五錢。綠豆五錢。共炒燥。磨末。每用一錢。米湯調服。或用神麴糊丸。梧子大。每用一錢。

二分米湯送下

（外有畢澄茄一味與胡椒一類一種也主治病證與胡椒同茲不再贅）

吳茱萸味辛氣溫有小毒氣味俱厚陽中陰也入足太陰經血分少陰厥陰經氣分。

蘇氏曰吳茱萸處處有之江淮對漢尤多閩中最好吳地者亦佳故名木高丈許皮色青綠枝柔而肥葉長而皺似椿葉潤厚色紫三月梢頭開紅紫色花七八月結實累累成簇而無核嫩時微黃熟則深紅一種粒大一種粒小小者入藥雷氏曰修治以吳茱萸一觔食鹽一兩滾湯一釜泡浸一日洗去涎晒乾用。

○吳茱萸開鬱化滯逐冷降氣之藥也方龍潭曰凡患小腹少腹陰寒之病或嘔逆惡心而吞酸吐酸或關格痰聚而隔食隔氣或脾胃停寒而泄瀉自利或肝脾鬱結而脹滿逆食或疝瘕弦氣而攻引小腹或脚氣沖心而嘔噦酸苦是皆肝脾腎經之證也吳茱萸皆能治之。  
李時珍曰蓋此藥純陽之物辛熱能散能行苦熱能燥

能下。爲陰中之陽。善入陰中至陰之分。治寒痛最捷。故古方有云。中脘痛者。非生薑不止。臍腹痛者。非乾薑不除。小腹少腹痛者。非吳茱萸不療。專治寒在肝脾腎三經。取其散寒溫中燥濕解鬱而已。倘三經之病。有因火熱爲者。又當斟酌用之。如中病卽止。不可多服。多服則走氣動火。發瘡昏目耳。

○集方治陰毒傷寒。四肢厥冷。臍腹疼痛。嘔逆吐衄。寒戰。呢逆時嘔。冷涎自汗如水。用吳茱萸鹽湯泡三次。五錢。白朮炒。人參焙。附子童便製。各六錢。甘草炙。二錢。烏梅三箇。花椒三十粒。水三大碗。煎一碗。放冷。徐徐服。○治吞酸吐酸。醋氣攻心。用吳茱萸三錢。製法同前川黃連五分。

酒洗同炒。水煎服。○治隔食隔氣。飲食不納。因胃寒者。

用吳茱萸五錢。製法同前白朮炒六錢。分作二劑。水煎飲。○

治藏寒頻泄。用吳茱萸一兩五錢。製法同前黃耆白朮各一

兩。北五味人參乾薑各五錢。俱炒燥。研末。神麴糊爲丸。

梧子大。每早服五錢。烏梅湯下。○治寒疝衝心。并脚氣。

衝心。時作嘔吐。並用吳茱萸五錢。製法同前生薑一兩。青皮

三錢。水煎。溫服。○治冷氣腹痛。脾元氣痛。腹中痞痛。

嘔涎頭痛。四證俱用吳茱萸六錢。製法同前玄胡索酒炒。五

錢。半夏三錢。水煎服。○治赤白下痢。腹痛者。用吳茱萸

川黃連各二兩。炒。白芍藥一兩五錢。木香一兩。酒煮大

黃六錢。共爲末。煉蜜丸。每早晚各服二錢。白湯下。○治

口瘡口疳及咽喉作痛用吳茱萸一兩爲末醋麪糊調塗兩足心。○治齒牙疼痛不拘風火蟲痛用吳茱萸一撮煎湯汨漱。○治癰疽發背及發乳諸毒用吳茱萸一兩爲末熱酒調塗此方并治骨入肉中塗之卽腐出治蛇咬塗之卽安。

食茱萸詳載食物本草

茶茗味苦甘氣寒無毒可升可降陽中陰也入手足厥陰

經

蘇氏曰茶茗產浙閩江湖淮南山中皆有然有野生種  
生種者用子二月下種坎須百顆乃生一株蓋空殼  
者多也畏水與日最宜坡地陰處春生嫩葉采以穀雨  
前者爲上穀雨後者次之初采爲茶晚采爲茗或言六  
經無茶字楊升菴謂茶卽古茶字詩所云誰謂茶苦其  
甘如薺是也李氏曰其子大如指頭圓而黑色其仁人  
口初甘後苦最戟人喉閩人以榨油食用采芽蒸焙修  
造皆有法詳見茶譜唐人尚茶茶稅始於唐德宗以迄  
於今且與西番互市易馬以其所食腥肉之羶青稞之  
熱烟草之火非茶不解西戎得茶不爲我害中國得馬  
則爲我利以摘山之利關御戎之權此國家之重務也  
又按陸羽茶經云茶者南方嘉木自一尺二尺至數十  
尺其巴蜀川峽山谷中有兩人合抱者伐而掇之木如  
瓜蘆葉如梔子花如白薺蘆實如栝櫟蓋如丁香根如  
胡桃其名一曰茶二曰檟三曰蔎四曰茗五曰荈山南  
以陝州上襄州荊州大衡州上金州梁州又下淮南以  
光州上義陽郡舒州大壽州下蘄州黃州又下浙西以  
湖州上常州大宣州睦州歙州下潤州蘇州又下浙東



以越州上。明州、婺州、台州、劍南、以彭州上。綿州、蜀州、夔州、夷州、江州、南生、鄂州、袁州、吉州、嶺南、生、建州、福州、韶州、象州、其思、播、賣、夷、鄂、袁、吉、建、福、韶、象、十一州、未詳。往往得之。其味極佳。又一說：其上者生爛石中者生櫟壤。下者生黃土。藝法如種瓜。二歲可采。又陽岸陰林。紫者上。綠者次。筍者上。芽者次。果卷者上。舒者次。在二三月。四月之間。茶之筍者。生于爛石之間。長四五寸。若薇蕨之始抽。凌露采之。茶之芽者。發於叢薄之上。有三枝四枝五枝者。選其中枝穎拔者。不之采。得蒸焙封乾。有干類萬狀也。如胡人轉者。越縮然。如牛脂者。服舊然。浮雲出山者。輪菌然。輕嫩出水者。如薄然。此皆茶之精好者也。有如竹筍者。枝幹堅實。數下蒸擣。故其形簡徒然。有如霜荷者。莖葉稠阻。易其狀。故厥狀萎萃然。此皆茶之精老者也。其別類而似茶者。有桑芽、石楠芽、枸杞芽、枇杷芽、又有槐芽、柳芽、皂莢芽、皆上春摘取。和茶并之。故今南人輪官茶。往往雜以衆葉芽。如山中諸草木藥芽。皆可相合。精採尤奇。惟紫藤、竹筍、松芽之屬。不能入和也。又楊起云：真茶性冷。煎茶性溫。惟

茶芽解五藏鬱火去痰熱利小便止煩渴之藥也江龍

平云按繆氏言茶得水丁之清氣兼得春初生發之意  
爲清肅之用凡病火鬱滯痰結食停諸證飲之立清  
他如傷暑中熱煩渴不寧宜涼飲之卽安傷酒傷食煩  
躁嘔逆悶脹不安宜熱飲之卽定又按陸氏茶傳云若  
熱渴凝悶目澀腦痛四肢煩倦百節不舒柳四五啜與  
醍醐甘露抗衡也則茶爲清肅之品洵非虛語矣凡種  
類極多方宜大異要皆以味甘不澀氣芬如蘭採於夏  
前者爲良蓋生於山谷磽瘠沙土之中不受纖毫穢滓  
灌養專感雲露之氣以爲滋培故能滌腸胃一切肥羶  
垢膩寧非木中清貴之品哉昔人多以其苦寒不利脾  
胃及多食發黃消瘦之說此皆語其粗惡苦澀品類最

下者言之耳。昔雅州蒙山茶。人服四兩。百病皆消。豈有味甘氣芬者。飲之反致疾耶。如他種苦澀草氣。葉痿莖枯。非道地所產者。服之不利心脾。使人脂消血敗。故不宜飲也。留心斯業者。當細心審辨可也。

本草綱目發明曰。汪穎云。一人好食炙煇。久防其生癰毒。後卒不病。其人每夜必啜涼茶一碗。茶能解炙煇之毒也。又陶隱居謂人服茶能輕身換骨。壺公言苦茶久食羽化。此皆著茶之功者也。又唐母貝茶序云。釋滯消壅。一日之利暫佳。瘠氣損精。終身之累斯大。福近易知。禍遠難見耳。又蘇軾茶論云。空心飲茶。入鹽直入腎經。且冷脾胃。乃引賊入室也。古人呼茶爲酪奴。蓋賤之也。

李廷飛云。久飲茶。令人腰脚膀胱冷痛。兼患水腫。攣痺諸疾。陳藏器云。久飲消人脂。使人少睡。飲之宜熱。冷則聚痰。此皆著茶之害者也。夫茶能降火。火爲百病。火降則上清矣。然火有虛實之異。若少壯胃健之人。心肺脾胃之火多盛。則與茶相宜。涼飲則火因寒氣而下降。熱飲則茶借火氣而升散。若解酒食之毒。使人神思闡爽。不昏不睡。茶洵有功于人矣。若氣血虛寒之人。飲之既久。則脾胃漸弱。精血潛虛。土不制水。成停飲泛溢。或爲痞滿。嘔惡。或爲腹冷洞泄。或爲痿痺癱瘓。或爲疝瘕。脚氣。變病種種。茶亦豈無害哉。在人自當斟酌之耳。人有嗜茶成癖者。時時咀嚙不止。久而傷營傷精。血不華色。

尤可嘆悼。惟飲食後濃茶漱口。既去煩膩。而脾胃不傷。且苦能堅齒。消蠱最有益。而無損。又楊士行有茶薑治痢方。茶助陰。薑助陽。能消暑解酒食毒。且一寒一熱。平調陰陽。不問赤白青黃。不問虛實冷熱。用之皆良。又濃茶能吐風熱痰涎。乃酸苦湧泄爲陰之義。非其性能升也。又治陰證。湯藥內入之。以去格拒之寒。此寒因寒用之理也。

○集方

齊方

治一切下血。因食炙煨醇酒烟火熱藥過度者。用

細茶八兩炒。五倍子五箇燒存性。共爲末。煉蜜丸。梧子

大。每早服二錢。白湯下。○治久年心胃痛。用細茶五錢

水一大碗。煎四五分。和米醋二分。飲之良。○治風痰顛

疾用細茶卮子各一兩煎濃汁一碗服良久探吐○治  
此方月水不通以苦茶一碗入沙糖五錢調勻露一夜溫服  
亦可下胎

本草綱目卷之五

臯蘆一名苦蘆味苦氣寒無毒

李氏曰臯蘆出南越龍川縣及新平縣葉大如手掌深黃色味極苦。搗碎泡湯飲交廣最重客至設此飲以供乃加以香葉諸品泡之味苦而迴味不甘色濁而氣不清香不及茶茗遠矣

○臯蘆清上膈鬱火止渴除煩消痰利水之藥也劉連城曰此藥苦寒下泄去暴火鬱熱有功如久服常服大泄胃氣

果部 瓜類

甜瓜蒂味苦氣寒無毒可升可降陽中陰也入手足陽明經。

別錄曰瓜蒂生嵩高平澤蘇氏曰今所在皆有李氏曰三月下種延蔓而生葉大數寸五六月開花黃色六七  
月瓜熟有圓有長有尖有扁有大或徑尺小或一捻或有  
穠或無穠其色或青或綠或黃而斑或糝而斑或白或  
或黃路其瓢或白或紅其子或黃或赤或白或黑又按  
王楙農書云瓜品甚多不可枚舉以其得名者有龍肝  
虎掌兔頭狸首羊髓蜜筒之稱以色得名者有烏瓜白  
團黃瓜白瓜小青大斑之別然其味不出乎濃淡甘香  
而已廣志云以遠東燉煌盧江之瓜為勝然瓜州之大  
瓜楊州之御瓜西蜀之溫瓜永嘉之寒瓜未可以優劣  
論也又甘肅甜瓜皮瓢皆甘升勝糖蜜取瓜皮暴乾猶  
甘美可口浙中一種陰瓜種置陰處熟則色黃如金膚  
皮稍厚藏至來春食之如新此皆種藝之巧不必拘以  
上地力也雷氏曰修治切勿用白瓜蒂取青綠色瓜氣  
足時其蒂自落在蔓上者未  
得繫屋東角有風處吹乾用



○瓜蒂吐痰食之藥也。

日華子

經云高者越之。

張仲景

在上者涌之。故古

方越以瓜蒂香豉之苦。爾以赤小豆之酸。酸苦涌泄爲

陰也。又按綱目發明云。張仲景云。病如桂枝證。頭不痛。

項不強。寸脉微浮。胸中痞硬。氣上衝咽喉。不得息者。此

爲胸中有寒也。當吐之。大陽中暈。身熱疼重。而脉微衰。

此夏月傷冷水。水行皮中也。當吐之。少陽病。頭痛發寒。

熱。脉緊小。是膈上有痰也。當吐之。病胸上諸實鬱鬱而

痛。不能食。欲人手按之。而反有渴。唾下利。日十餘行。寸

口脉微弦者。當吐之。慎。懷煩躁。不得眠。未經汗下者。謂

之實煩。當吐之。宿食在上脘者。當吐之。並宜瓜蒂散主

之。惟諸下血虛家。不可與瓜蒂散也。又按難經云。下部

有脉。上部無脉。其人當吐。不吐者死。此飲食內傷。頭寒  
胸中。食傷太陰。風木生發之氣。伏于下。宜瓜蒂散吐之。  
素問所謂木鬱則達之也。吐去上焦有形之物。則木得  
舒暢。天地交而萬物通矣。若尺脉絕者。不宜用此。則是  
瓜蒂之用。專主於吐矣。冠氏謂瓜蒂吐涎。甚不損人。勝  
石綠礪砂輩也。朱丹溪謂瓜蒂性急。能損胃氣。胃弱人  
及病後產後。宜以他藥代之。夫瓜蒂乃陽明經除濕之  
藥。故能引去胸脘痰涎。頭目濕氣。皮膚水氣。黃疸濕熱。  
諸證。凡胃弱人及病後產後。並不宜吐。何獨瓜蒂耶。  
○集方治已上諸證。當吐者。用瓜蒂二錢五分。炒黃赤小  
豆二錢五分。共爲末。每用一錢。以香豉一合。熱湯七合。

煮糜去滓。和服。以加之。快吐乃止。

○續補集方治風涎暴作。氣塞倒仆。不能言語。或五般癰

證。用瓜蒂研末。每用三分。白湯調灌。即吐涎涌沫。如吐

多困甚者。以麝香五釐。煎湯一盞。飲之即止。○治急黃

喘息不能臥。心口上堅硬。欲得水飲者。以瓜蒂赤小豆各

一合。研末。白湯調服。方寸匕。一炊久即吐。如不吐。再用

末吹鼻。出水亦可。○治一切發黃。用瓜蒂為末。取以半

茶匙。吹鼻中。輕則半日。重者一日。流取黃水乃愈。○治

十種蠱氣。用瓜蒂為末。和九杷子大。每服三十丸。

生薑湯下。甚效。○治風鼻頭痛不已。用瓜蒂為末。取二

分。噤入鼻內。口含涼水。取出黃水愈。○治時癰寒熱。用

瓜蒂二枚打爛清水半盞浸一宿頓服取吐愈

○甜瓜肉詳見食物本草

西瓜味甘淡氣寒無毒

李氏曰按胡峤征回紇得此種歸名曰西瓜則西瓜自五代時始入中國今則南北皆有而北方者味更佳美二月下種蔓生花葉皆如甜瓜六七月實熟有周圍徑尺者或有稜或無稜其色或青或綠其瓢或白或紅紅者味尤勝其子或黃或紅或黑或白白者味劣其味有甘有淡有酸酸者為下

○西瓜解暑熱消煩止渴之藥也門吉士曰按本草綱目發明言西瓜性寒解熱下氣止渴有天生白虎湯之名

又按松漠記聞云有人苦月病或令以西瓜切片曝乾日日服之遂愈因其性冷降火故也然亦不宜多食世謂醍醐灌頂甘露灑心取一時之快而不知有傷脾助

濕之患也。真西山云：瓜、桃生冷，宜少食，免致秋冬成瘡。  
痢是也。

○集方：治陽明熱甚，舌燥煩渴者，或神情昏冒不寐，語言  
懶出者，用好紅瓢西瓜剖開，取汁一碗，徐徐飲之，即安。  
○治牙疼神方：用經霜西瓜皮燒灰，敷患處，牙縫內立効。

沙糖味甘氣溫無毒

李氏曰沙糖係甘蔗汁煎煉而成色紫黑如醬其法出西域唐太宗遣人傳其法以蔗汁過樟木槽取而煎成清者爲蔗餹凝結有沙者爲沙糖堯中造成如石如霜如冰塊者爲石蜜爲糖霜爲冰糖也糖霜亦可煎化印成鳥獸果物之狀以充席獻今之貨者又多雜以米餹諸物不可不知

○沙糖和中煖胃活血行瘀之藥也梅青子曰此係蔗汁煎煉至紫黑色而成則寒質而轉爲熱體矣故方氏稱爲和中煖胃別嘔泄諸證屬虛寒者往往與烏梅煎湯飲之立安又如產後惡露不盡瘀滯攻痛與山查乾薑煎湯飲之立止又如北方多食烟火有中毒者與萊豆燈心煎湯飲之立消但甘溫發熱多食反致動火生痰小兒多食則病疳損齒生蟲發脹等害如西北地高多

燥服此有益東南地多濕食之有助熱也。

甘蔗味甘微瀉氣寒性熱無毒入足陽明太陰經。

李氏曰蔗皆畦種叢生最田地力甚似竹內實大者圓長三四尺扶疎四垂八九月收采莖可過春充果食其皮有紫綠白三色蘇氏曰江浙閩廣湖南蜀中俱有之蘆蔗莖細短而節疎但堪生啖煎糖稍稀竹蔗莖粗而長可榨汁煎沙糖甚稠隔泉吉廣諸州多作之鍊時和牛乳猪脂者更佳惟蜀中作之南人販至北地蘆蔗多竹蔗少也凡草皆正生嫡出惟蔗橫段側生故從庶也○甘蔗和中養胃生津止渴之藥也陳一齋曰按李氏發明云蔗脾之果也其漿甘寒能降火熱知其氣寒明矣日華子言能消痰止渴安煩解酒此言一時煩熱少安多食未有不發濕中之火為病痰脹嘔噎之疾詩言飽食不須愁內熱大官還有蔗漿寒者此文大藥其甘寒藥且為酒後一時止渴之需作興賦此時人禁此二句信為寒涼之品不知多食久食善發濕火為病痰脹嘔噎之疾同醫者可不慎祭乎。

果部 水果類

蓮子味甘氣平性溫無毒入手少陰足太陰經。

李氏曰蓮子生熱楊豫益諸處湖澤陂池皆有之以蓮子種者生遲以藕芽種者生速其芽穿泥成白藕即蠶也長者至丈餘五六月嫩時沒水取之可作蔬茹俗呼藕絲菜即此節生二莖一為藕荷其葉貼水其下旁行生藕也一為芡荷其葉出水其旁莖生花也其葉清明後生六七月間花有紅白粉紅三色花心有黃鬚蓋長寸餘鬚內即蓮也花破蓮房成荷荷在房如蜂子在窠之狀六七月採嫩者生食脆美至秋房枯子黑其堅如石謂之石蓮了八九月收之破去黑殼謂之蓮肉冬月至春播藕食之藕白有孔有絲大者如臂長六七尺凡五六節大抵野生及紅花者蓮多藕劣種植及白花者蓮少藕佳也其花白者香紅者艷千葉者不結子別有蓮蓬蓮莖頭蓮夜開晝卷蓮外國又有金蓮碧蓮皆是異種故不多見又相感志云荷梗塞穴鼠自去煎湯洗物性自寒也

○蓮子補中益氣滋養五藏靖君相火邪之藥也李氏曰



此藥味甘性瀟稟清芳之氣得稼穡之味脾之果也脾者黃宮所以交媾水火會合木金者也土爲元氣之母母氣既和津液相成神乃自生故釋氏用爲引譬妙理具存醫家取爲服食百病可却故大氏方生食補腎澁精治男子赤白淋濁女子帶下崩中又止久痢固脾泄也熟食交心腎止煩渴益氣力令人強健無病耐老延年乃藥中之清品也。

○藕涼血散血清熱解暑之藥也李氏曰此藥生於卑污之中而潔白自若質柔而穿堅居下而有節孔竅玲瓏絲綸內隱可謂靈根矣其所主皆心脾血分之疾如陳氏方治熱渴煩悶大氏方治產後瘀血孟氏方治霍亂

水泄皆屬熱邪爲患者。取此清芳寒潔甘淡之味以涼解之。如血熱血滯之病。悉潛消而默化矣。第生食過多。不免有動冷氣。不無腹痛腸滑之虞耳。如煮熟食。能養藏府和脾胃。凶年亦可代糧食焉。

○集方治時氣煩渴。用生藕搗汁一盞飲之。○治傷寒陽

明熱病。口乾。用生藕搗汁。生地黃汁。童子小便各一盞。

和飲。○治產後血瘀悶亂。血氣上衝。口乾腹痛。用生藕

搗汁二升飲之。○治熱極霍亂。以生藕搗汁一碗飲之。

痛泄立安。○治小便熱淋。用生藕。生地黃。生白蘿蔔各

搗汁一碗和勻飲之。○治墜馬血瘀積在胸腹。唾血無

數者。用生藕節。檣爛和酒絞汁飲。隨量用。○治食齰中

毒用生藕切碎浸米醋食之。

○藕密

又名藕絲菜

味甘氣平無毒

陶隱居曰藕密係五六月嫩時采為蔬茹尤則為藕

藕密解煩渴散酒毒下瘀血之藥也。孟氏曰功用與藕

同性也。

○藕節味苦澀氣平無毒消瘀血止血妄行之藥也。邢元

璧曰日華子治產後血悶腹脹。搗汁和熱童便飲有效。

蓋止中有行散之意。又時珍方治瘀血唾血嘔血吐血

及便血溺血血淋血崩等證入四生飲調營湯中亦行

正互通之妙用也。

○蓮薏

即蓮子中薏青心也

味苦氣寒無毒清心氣止逆血固遺精

縮小便之藥也。

○蓮蕊鬚味甘澁氣溫無毒入手足少陰經

李氏曰蓮蕊鬚係花開時採取花中黃鬚也糖拌亦可充果食此藥本草不收而三因諸方如固真丸巨勝子丸各補益方中往往有之其功大抵與蓮子同也

蓮蕊鬚清心養腎之藥也陳氏蒙詮曰此藥甘澁收斂能止血調管固精療帶古方同黃栢甘草牡蠣魚膠五味子覆盆子沙蒺藜各等分合作丸服治夢遺精滑良

○蓮蓬殼味苦澀氣溫無毒

江氏曰宜陳久者良

蓮蓬殼止血崩血痢脾泄久痢之藥也薛膚泉曰此藥味澁固脫婦人方中每用此止血止淋亦急則治標之意

○荷葉味苦氣寒

蒸熱則溫無毒

○李氏曰。嫩者。名荷錢。葉形也。貼水者。名藕荷。生藕也。出水者。名菱荷。生花也。入藥。宜用藕鋪中。既內蒸米。麩。磨食者。晒乾。用之良。

荷葉瀝腸止痢之藥也。

陳廷采

如氏曰。

日本

按本草發明云。張潔古

授東垣老人。枳朮丸方。用荷葉燒飯爲丸。東垣老年味之。始悟其理。大震者動也。人感之。生少陽甲膽。是屬風木。爲生化萬物之根蒂。人之飲食入胃。營氣上行。卽少陽甲膽之氣。與手少陽三焦元氣同爲生發之氣。素問云。履端于始。序則不愆。荷葉產於淤泥。而不爲泥染。居於水中。而不爲水沒。其色青。其形仰。其中空。象震卦之體。食藥感此氣之化。胃氣豈有不升者乎。更以燒飯和藥。與白朮協力。滋養胃氣。其利廣矣。大矣。世之用巴豆。

牽牛者。豈足語此。李蘋湖曰。震爲雷。荷葉之體。仰而上承。乃述類象形之義。故畀人規言。能升發陽氣。散瘀血。戴元禮又謂單服。可以消陽水浮腫之氣。如瀉腸止痢。緣其性味苦澀。以固脫耳。

○集方治卒暴吐血。用藕節、荷葉蒂各七個。俱搗爛。以白蜜半盞。共二物煎滾。再入白水二碗。煎七分服。渣再加水煎。○治<sup>全</sup>血不止。用藕節二十一個。搗汁。熱湯內頓服。○治大便下血。用藕節曬乾。每用七個。和白蜜七茶匙。水二碗。煎一碗服。

○集方治勞心吐血。用蓮子心十四個。麥門冬去心三錢。糯米五十粒。煎湯服。

○集方治血崩不止方用陳年蓮蓬殼荆芥穗各等分各燒

存性總研末每服二錢米湯調服○治天泡濕瘡同前用蓮

蓬殼切細炒焦為末猪膽汁調塗○治久痢不止方脈正用陳

蓮蓬殼一兩黑棗三十個煎湯飲

○集方治血痢不止方脈正用糕餠上蒸爛荷葉晒乾炒研末

米湯調服二錢○治崩中下血方用生荷葉晒乾燒五錢

蒲黃黃芩俱炒各一兩共研末每服三錢空心白湯調

下○治吐血衄血陽乘於陰血熱妄行者宜服四生丸

用生荷葉生艾葉生柏葉生地黃各五錢水煎服○又

方用糕餠上蒸爛熟荷葉煎湯飲○治產後心痛因惡

血不盡者用生荷葉炒香為末每服三錢白湯調下

芡實味甘性澀氣平無毒入足太陰少陰經。

別錄曰芡實出雷池池澤今處處亦有惟杭州者最勝  
上人善紀孕實時口如期采取則殼柔肉糯早則殼爛  
肉未凝遲則殼堅肉杭老矣李氏曰三月生苗莖在水  
中葉貼水面莖葉多有芒刺莖長丈餘者中必有孔有  
絲軟者剝皮可食葉似荷而大皺文如殺面青背紫五  
六月作花紫色花開向日向日結荷外有青刺如蠟形  
如栗毬花出苞頂形如雞喙剝之內有斑駁軟肉裂子  
纍纍如珠幾殼內有白米狀如魚目珠根作三稜煮食  
如芋爾雅翼曰校食細嚼能致上池之津故主益人猶  
如馬藟短草則微悅與小兒食不易長大故主壯年芡  
與菱皆水物而性異芡花向日菱花背日其陰陽向背  
有不同則損益陰陽亦別異矣埤雅云荷花口舒夜飲  
芡花晝合宵杭此亦陰陽之異也孟氏曰修治先蒸熟  
日中晒裂取仁亦可養取粉用服日記云芡實一斗以  
防風四兩煎湯浸過經久不壞○倪朱謨曰年荒五穀  
之不登曰歉此物能濟荒充食以療饑故曰芡也

○芡實補脾胃澀精氣之藥也朱東生曰按李氏云芡可

濟歉故謂之芡繆氏言此得水土之氣以生故味甘質



糯和養脾胃。生化營液。稱爲上品。故前古主補中補腎。利腰脊膝痛。益精氣。強志意。爲脾腎補養之專劑。然質雖柔糯。而性極甘滯。如老人胃弱。小兒脾虛。不善尅化者。宜少與之。故孫升子言。芡本不益人。而俗稱爲水流黃。何也。蓋人食此。必咀嚼之。終日囁囁。腹而不脍。能使華液流通。轉相灌溉。其功勝于乳汁也。

○集方治精髓不固。時多滑泄。用芡實搗末。用金櫻子煎膏和丸。每早晚服數錢。專補下元。謂之水陸丹。○治思慮色欲過度。損傷精氣。小便數澀。遺精淋帶。用芡實四兩。蓮肉茯苓俱炒。各二兩。真秋石一兩。共研細。煮紅棗肉爲丸。梧子大。每早服三錢。白湯下。○治老幼脾腎虛。

熱用芡實、山藥、茯苓、白朮、蓮肉、薏苡仁、白扁豆各四兩、人參一兩俱炒燥爲末、白湯調服、治久痢如神。

○山果類有李子、梅子、桃子、栗子、棠梨、木桃、柰子、林檎、石榴子、橘子、柑子、橙子、柚子、香櫞、金橘、枇杷、楊梅、櫻桃、榛子、○夷果類有荔枝、榧子、海松子、○瓠果類有甜瓜、葡萄、甘蔗、菱實、烏芋、慈姑、不入藥用、詳載食物本草。

○治思慮傷心、心無血養、心中惕然、跳動不寧、如人將捕捉之貌、病名怔忡、以養心丸、用芡實一觔、川貝母四兩、酸棗仁、當歸身、人參、黃耆、白朮、茯苓各二兩、川芎、北五味子各一兩俱酒拌炒、研爲細末、麥門冬懷熟地各四兩、烏梅肉一兩俱用酒煮搗膏、共和爲丸、如彈子大、每

早晚不拘時乾嚼一二九米湯過下。